



Relatóriu husi Sekretáriu-Jerál kona-ba Nasoins Unidas nia Misaun Integrada iha Timor-Leste (ba períodu husi 24 Setembru to'o 20 Janeiru 2010)

I. Introdusaun

1. Relatóriu ne'e submete tuir Konsellu Seguransa nia rezolusaun 1867 (2009), ho ida-ne'e Konsellu hanaruk tan mandatu Nasoins Unidas nia Misaun Integrada iha Timor-Leste (United Nations Integrated Mission in Timor-Leste (UNMIT)) to'o 26 Fevereiro 2010. Hatutan tan ba dezvoltimentu prinsipál sira iha Timor-Leste no implementasaun ba Misaun nia mandatu hahú husi ha'u-nia relatóriu 2 Outubru 2009 (S/2009/504), relatóriu ida-ne'e apresenta mós proposta kona-ba UNMIT nia misaun ba períodu 2010-2012, ne'ebé inklui posível ajustamentu ba nia mandatu no kapasidade, hanesan Konsellu husu. Kona-ba ne'e, relatóriu ne'e apresenta mós rezultadu no lia-menon husi misaun téknika avaliasaun nian ba Timor-Leste iha 10-17 Janeiru 2010, ne'ebé Antigu Enviadu Sekretáriu-Jerál nian ba Timor-Leste no Xefe Misaun Nasoins Unidas nian iha Timor-Leste, Sr. Ian Martin (ne'ebé mós xefia Misaun Avaliasaun Multidixiplinár Nasoins Unidas nian ba Timor-Leste iha Juñu-Jullu 2006) (haree seksaun III iha kraik), mak xefia. Rezultadu no lia-menon hirak ne'e, ne'ebé ko'alia kona-ba Nasoins Unidas no Timoroan sira-nia frakeza atuál atu hatán ba estratéjia tempu médiu nian no pontu-referénsia sira ne'ebé iha relasaun ho ne'e, dezvoltolve hamutuk ho UNMIT nia lideransa, ne'ebé ha'u-nia Representante Espesiál mak xefia, no fó ona kontribuisaun ba ha'u-nia proposta sira kona-ba UNMIT nia prezensa iha futuro.

II. Situaun polítika no seguransa husi Setembru 2009 to'o ohin

2. Iha jerál, dezvoltimentu polítiku hatudu katak estabilidade kontinua. Eleisaun ba autoridade lokál, ne'ebé la bazeia ba partidu polítiku, hala'o iha loraun 9 Outubru, ne'ebé eleitór sira hili xefe no konsellu suku 442 iha nasaun ne'e. Iha jerál, kampaña eleitorál husi 30 Setembru to'o 6 Outubru no votasaun la'o iha ambiente hakmatek. Iha partisipasaun aas, ne'ebé eleitór rejistadu pursentu 67.75 mak vota. Rezultadu fó vitória ki'ik oan ida ba feto sira-nia representasaun iha nivel suku, ne'ebé número feto eleitu hanesan xefe suku aumenta uitoan husi hitu (7) ba sanulu resin ida (11), maski esforsu ne'ebé Prezidente José Ramos-Horta ho ha'u-nia Representante Espesiál halo.

3. Eleisaun hirak ne'e hatudu katak kapasidade husi órgaun jestaun eleitorál sira Timor-Leste nian sa'e daudaun, tanba apoiu internasionál ne'ebé sira simu iha eleisaun ne'e uitoan liu duké iha eleisaun 2007. Secretariado Técnico para Administração Eleitoral (STAE) mak organiza eleisaun hirak ne'e, ne'ebé prosesu votasaun hala'o dala ida de'it (simultaneamente) iha estasaun 748; pesoál na'in 3,740 ne'ebé STAE rekruta no treina

mak administra prosesu ne'e. Comissão Nacional Eleitoral (CNE) halo monitorizasaun ba eleisaun nia aspetu hotu-hotu. Hanesan Konsellu Seguransa husu iha nia rezolusaun 1867 (2009), UNMIT ho United Nations Development Programme (UNDP) fó asesoria no assisténsia koordinadu, liu husi ekipa apoiu integradu ida (haree S/2009/504, para. 13).

4. Partidu polítiku sira hatudu nafatin sira-nia respeitu ba prosesu demokrátiku, maski bainhira sira trata asuntu sira ne'ebé kontensiozu. Nu'udar ezemplu boot ida, iha loron 12 fulan Outubru, Parlamentu Nasionál halo debate durante loron ida nia laran kona-ba mosaun-sensura ne'ebé opozisaun apresenta tanba la kontente ho tratamentu ne'ebé Governu fó ba kazu Maternus Bere (haree S/2009/504, paras. 33-34), debate ne'e hetan transmisaun direta husi televizaun no rádiu. Hamutuk ho kuaze membru Governu hotu-hotu, Primeiru-Ministru atende debate ne'e tomak, halo deklarasaun abertura no hatán ba pergunta husi membru Parlamentu sira. Liu tiha debate ne'e, ne'ebé dala ruma sai manas uitoan, mosaun-sensura ne'e lakon ho votu kontra 39, favór 25 no laiha abstensaun. Debate kontensiozu boot ida seluk iha Parlamentu akontese durante konsiderasaun ba Orsamentu Jerál 2010, hamutuk besik millaun \$660. Liu tiha debate maka'as iha semana rua nia laran, orsamentu ne'e hetan aprovasaun iha 3 Dezembru ho votu favór 39, kontra 19 no abstensaun haat.

5. La haree ba diferença entre partidu polítiku sira no tensaun ne'ebé kontinua entre elite polítiku, abertura pozitivu ida mosu durante período ne'e atu envolve iha diálogu polítiku. Partidu opozisaun Fretilin (Frente Revolucionária do Timor-Leste Independente) halo deklarasaun lubuk ida hodi kompromete nia an ba dame no estabilidade. Iha loron 5 no 6 Dezembru, Fretilin halo konfereénsia nasional ida ne'ebé membru partidu liu ema 4,000 mak atende. Nia aprova rezolusaun lubuk ida, ne'ebé inklui liafuan ne'ebé fó sai Fretilin nia intensaun atu la hasai nia grupu parlamentár husi Parlamentu iha altura ne'ebá, la avansa ideia atu hala'o "Marcha da Paz" no hadi'ak relasaun ho partidu polítiku sira, Igreja no organizasaun internasionál sira, no seluk tan. Iha serimónia ida iha loron 31 fulan Dezembru, Sekretáriu-Jerál Fretilin nian Mari Alkatiri husu iha públiku atu 2010 to'o 2020 sai hanesan "Dékada Dame, Estabilidade no Dezenvolvimentu nian" no atu halakon kiak no violénsia iha Timor-Leste. Iha 19 Janeiro, Prezidente José Ramos-Horta organiza reuniaun ida ho Primeiru-Ministru Kay Rala Xanana Gusmão no Sr. Alkatiri, iha reuniaun ne'e sira hatán-simu atu ko'alia nafatin kona-ba asuntu interese nasional. Durante nia diskursu ba comunidade diplomátika, iha duni loron ne'e, Prezidente subliña katak nia sei kontinua envolve ho lider nasional no lokal sira no parte interesadu sira seluk hodi hametin dame no unidade nasional. Nia hateten mós katak nia sei hala'o nafatin diálogu "Dalan ba Dame no Unidade Nasionál" no hasa'e tan kampaña "Dili, Cidade da Paz" ho objetivu atu hamenus no ikus mai halakon violénsia nia forma hotu-hotu iha sosiedade nia laran.

6. Situaun seguransa iha nasaun ne'e kontinua estavel. Númeru insidente ne'ebé fó sai semana-semana, tun husi média 97 iha relatóriu liu ba ne'e ba 87 iha relatóriu ida-ne'e; númeru husi ema ne'ebé envolve iha krime grave tun husi rua ba 1.5 semana ida. Insidente violénsia doméstika no asaltu komún representa 60 pursentu husi krime hotu-hotu ne'ebé fó hatene ba polísia, sa'e husi 40 pursentu durante relatóriu liu ba. Ida-ne'e akontese talvés tanba Kódigu Penál ne'ebé tama iha vigor iha Juñu 2009 halo violénsia

7. Kona-ba programa rejistu, leno (screening) no sertifikasaun ba PNTL, tuir “Arranju Polisiamentu” (haree S/2007/50, para. 33), membru PNTL 2,896, ka pursentu 92 husi forsa polísia nian, mak hetan ona sertifikadu kompletu to’o 20 Janeiru. Membru na’in 259 ne’ebé resin fetu (20) to’o ikus la hetan sertifikadu tanba iha kazu kriminál ka dixiplinár ne’ebé sei dauk hakotu, 63 presiza julgamentu ka desizaun husi Painél Avaliasaun ne’ebé Timoroan sira mak dirije. Difikuldade barak kona-ba Painél Avaliasaun ne’e hakat liu ona, no nia halibur regularmente durante períodu relatóriu ne’e nian (haree S/2009/504, para. 19). Painél ne’e hameno atu suspende no halo tan investigasaun ba polísia na’in 68 no mós atu hasai tiha na’in neen, no agora daudaun nia konsidera hela kazu sira ne’ebé mak sei iha. Governu foti nafatin medidas hasoru polísia ne’ebé mak la hetan sertifikadu tanba invistigasaun kriminál sei dauk hakotu ka tanba alegasaun kona-ba violasaun direitus umanus, inklui suspensaun ba polísia na’in lima no expulsaun ba na’in neen (tuir lia-menon husi Painél), sira-ne’e ida uluk komandante distritu.

8. Bazeia ba akordu ne’ebé Primeiru-Ministru ho ha’u-nia Representante Espesiál halo iha 13 Maiu 2009 (haree S/2009/504, para. 20), ne’ebé konfirma dala ida tan kritériu ne’ebé mak parte rua ne’e hatán ona atu oinsá PNTL simu hikas responsabilidade prinsipál kona-ba polisiamentu, ekipa avaliasaun konjunta ne’ebé halo parte representante polísia no sivil husi Governu no UNMIT halo ona avaliasaun ba distritu 13 no unidade tolu, to’o 20 Janeiru. Hamutuk, halo ona avaliasaun 19, inklui distritu balu ne’ebé mak halo tiha ona avaliasaun liu dala ida. To’o 20 Janeiru, PNTL simu hikas responsabilidade prinsipál polisiamentu nian iha distritu haat (Lautém, Manatuto, Oecussi no Viqueque) no unidade tolu (Sentru Formasaun Polísia nian, Unidade Marítima no Servisu Intelijénsia). Hatutan tan ne’e, Primeiru-Ministru ho ha’u-nia Representante Espesiál hatán atu prepara hodi entrega distritu rua tan, Ainaro no Baucau, iha fulan Marsu. Kona-ba distritu no unidade sira ne’ebé mak avaliasaun hatudu katak PNTL sei dauk prontu atu simu hikas responsabilidade, polísia UNMIT no PNTL dezenvolve no hala’o hamutuk medidas hodi hametin PNTL nia kapasidade institusionál atu fasilita PNTL ikus mai simu hikas responsabilidade ne’e. Iha distritu no unidade sira ne’ebé mak PNTL simu ona responsabilidade prinsipál atu hala’o polisiamentu, polísia UNMIT iha nafatin knaar importante ida hodi halo monitorizasaun no akompañamentu ba progresu iha instituisaun nia dezvoltimentu, enkuantu mantein nafatin disponivel hodi fó asesoria no apoiu operasionál (no, in extremis, atu garante polisiamentu interinu, se presiza no husu). Atividade monitorizasaun polísia UNMIT nian hatudu katak, maski PNTL nia funksionamentu hetan ona progresu di’ak, hanesan iha área relasaun nian ho comunidade, jestaun ba kazu, administrasaun no armajén ba kilat, tenke fó tan formasaun no asisténsia lojístika hodi bele sustenta nia kreximentu no dezvoltimentu.

9. Mekanizmu responsabilizasaun ba PNTL no forsa armada Timorens, Falintil-Forças de Defesa de Timor-Leste (F-FDTL), sei fraku nafatin, no dala ruma de'it mak lori ba justisa membru sira ne'ebé responsavel kona-ba violasaun. Iha nasaun ne'e tomak, durante períodu relatóriu ne'e nian, UNMIT simu alegasaun kona-ba kazu violasaun 22 husi PNTL no kazu violasaun tolu husi F-FDTL. Insidente preokupante ida akontese iha 28 Dezembru, ne'ebé iha alegasaun katak bainhira membru PNTL ida husi Distritu Dili hatán ba insidente dezorden ida, nia tiru pelumenus dala ida; iha insidente ne'e joven ida mate no ida seluk hetan kanek. Polísia ne'ebé suspeitu kona-ba tiru ne'e dezarma tiha no hetan suspensaun preventiva no hahú ona investigasaun dixiplinár no krimínál ida loloos. Hatutan tan ne'e, Governu harii ekipa investigasaun sivil ida, ne'ebé halo parte Gabinete Provedór Direitus Umanus no Justisa, Asosiasaun HAK (organizasaun direitus umanus), Komisaun ba Dame no Justisa husi Diocese Dili no Sekretaria Estadu Seguransa, ho UNMIT nu'udar observadór. Hanesan resposta adisionál ba insidente ne'e, UNMIT reforsa tan atividade patrullamentu, formasaun no monitorizasaun ba PNTL iha Distritu Dili. Hahú insidente ne'e, média nasional hala'o debate públiku maka'as kona-ba polisiamentu iha Distritu Dili. Durante dezentvolvimentu hirak ne'e, iha mós diskusaun konstrutiva kona-ba saida mak sidadaun Timoroan sira hein husi sira-nia polísia no oinsá mak polísia sei servisu hamutuk ho comunidade.

10. Halo tan ona progresu, maibé limitadu, atu responsabiliza ema sira ne'ebé mak responsavel kona-ba asaun krimínál no violasaun direitus umanus durante krizi 2006, hanesan Komisaun Espesiál Independente Inkéritu nian hameno (haree S/2009/504, para. 30). To'o 20 Janeiru, kazu tolu mak hetan ona desizaun finál, nu'udar rezultadu ema na'in sia hetan kastigu, julgamentu haat la'o nafatin no kazu 13 sei iha investigasaun laran. Hatutan tan ne'e, Ekipa Investigasaun Krime Grave husi UNMIT halo nafatin investigasaun ba kazu violasaun grave direitus umanus ne'ebé komete iha 1999 iha distritu sia husi distritu sanulu resin tolu. To'o 20 Janeiru, husi kazu 396 ne'ebé sei dauk hakotu, ramata ona investigasaun ba kazu 110 no hala'o nafatin investigasaun ba kazu 23 seluk. Kona-ba ne'e, pozitivu katak, iha 14 Dezembru, Parlamentu adota rezolusaun ida hodi husu ba Komisaun A Parlamentu nian atu halo avaliasaun durante fulan tolu nia laran ba relatóriu sira husi Comissão de Recepção, Verdade e Reconciliação no Comissão de Verdade e Amizade no atu propoin harii instituisaun ida atu foti medida konkreta hodi implementa lia-menon husi relatóriu sira.

11. Nune'e mós, iha eventu sira seluk ne'ebé iha mós implikasaun ba responsabilizasaun kona-ba krime sira iha tempu liu ba. Iha 4 Novembru, Ministru Justisa halo konferénsia imprensa ida ne'ebé nia fó sai katak Embaixada Indonesia iha Timor-Leste fó hatene ba nia iha 30 Outubru katak líder milísia Laksaur, Maternus Bere, muda ona ba Indonesia tanba nia saúde sai aat ba beibeik (haree S/2009/504, paras. 33-34). Iha Perdaun Prezidensiál 25 Dezembru, bazeia ba razaun umanitária, Prezidente Ramos-Horta fó perdaun ba dadur na'in tolu no komutasaun ba dadur na'in 46 tanba sira-nia hahalok di'ak no esforsu ne'ebé sira halo atu integra hikas iha sosiedade. Sira ne'ebé mak hetan perdaun ne'e, inklui na'in ida husi F-FDTL na'in haat ne'ebé hetan kastigu tanba omisídiu involuntáriu no tenta atu komete omisídiu involuntáriu durante tiru iha 25 Maiu 2006 ne'ebé polísia PNTL na'in ualu mate (haree S/2008/26, para. 30); nia sai husi kadeia iha 6 Janeiru 2010. F-FDTL na'in tolu seluk hetan komutasaun tinan tolu ba sira-

12. Nota katak halo tan ona progresu atu hametin estado de direito. Avaliasaun integrál independente kona-ba setór justisa nia nesesidade kompleta iha 14 Outubru, ne'ebé kontein lia-menon 144, no fahe ba kontra-parte nasional sira no parte interesadu importante sira seluk. Kuaze parte interesadu hotu-hotu, nasional no internasionál, simu relatóriu ne'e ho di'ak, no Timor-Leste nia instituisaun relevante sira tau daudaun iha konsiderasaun lia-menon hirak ne'e, inklui lia-menon kona-ba dezvoltamentu ba Planu Estratéjiku Nasionál Setór Justisa nian ba Timor-Leste. Número husi kazu sira ne'ebé mak sei dauk hakotu iha Prokuradór-Jerál nia Gabinete tun nafatin. Prokuradór-Jerál fó hatene katak, husi Janeiru to'o Dezembru 2009, sira trata ona kazu 4,502 (besik 3,362 iha Dili), ne'ebé 1,230 mak hato'o ona ba tribunál. To'o 31 Dezembru, iha kazu pendente 4,981 iha nasaun tomak, ne'ebé persentajen boot liu mai husi kazu violénsia doméstika. Tenke haree ba progresu ida-ne'e iha kontestu ida katak iha kazu foun ne'ebé tama (3,976 iha 2009), ne'ebé hatudu katak, enkuantu públuku nia konfiansa ba sistema justisa formál kontinua dezafiu ida, públuku iha vontade boot tebes atu lori sira-nia kazu ba oin tanba laran-metin ba sistema formál justisa nian aumenta. Prokuradór internasionál na'in haat tan no funsionáriu na'in haat mak simu nomeasaun husi Gabinete Prokuradór-Jerál atu hasa'e gabinete ne'e nia kapasidade.

13. Ajénsia sira kona-ba jestaun fronteira husi Timor-Leste no Indonesia mantein relasaun kooperasaun, hanesan hatudu iha resposta koordinadu ba malentendimentu ne'ebé akontese iha fulan Outubru klaran kona-ba harii postu patrulla PNTL nian iha Passabe, Distritu Oecussi. Projetu konjuntu ida ne'ebé hahú iha Setembru nia rohan, atu tau marka iha parte sira fronteira nian, ne'e esforsu kooperasaun ida tan. Ajente ligasaun militar UNMIT nian, hamutuk ho polísia UNMIT, halo esforsu nafatin kona-ba monitorizasaun ba jestaun fronteira nian, liliu iha área hirak ne'ebé mak rai sei dauk hakotu. Hatán ba pedidu husi Governu Timor-Leste, ajente ligasaun militar UNMIT nian hala'o *workshop* rua kona-ba monitorizasaun iha 20-21 Outubru 2009 no 21-22 Janeiru 2010 ba ajente ligasaun militar F-FDTL atu ba halo servisu iha área fronteira nian.

14. To'o 20 Janeiru, ho enserramentu ba kampu-tenda 65 husi ema-deslokadu internu sira, número família ne'ebé simu benefísiu husi pakote rekuperasaun sa'e ba besik 16,450. Governu implementa daudaun Faze II husi Estratéjia Rekuperasaun Nasionál; iha estratéjia ne'e governu halo pagamentu US\$500 dala-ida ba família deslokadu-internu idaidak hanesan asisténsia rekuperasaun ba sasan, soin no negósiu ne'ebé sira lakon durante 2006 no 2007. Movimentu sai husi abrigo tradisionál tolu ikus oras ne'e la'o daudaun, ne'ebé, to'o 20 Janeiru, família 52 de'it mak sei dauk sai. To'o ohin, insidente seguransa ho relasaun ba ema-deslokadu internu ne'ebé fila, sai hanesan kazu izoladu no ki'ik. Progresu boot ida-ne'e mosu tanba esforsu konjuntu ne'ebé Governu no parseiru umanitáriu sira halo hodi implementa tratamentu ida koordinadu hodi muda faze umanitária ba faze rekuperasaun no foti medidas hodi garante retornu no re-integrasaun

15. Halo nafatin esforsu atu promove medida ne'ebé di'ak hodi hatán ba feto sira-nia nesesidade no insidénsia aas violénsia jéneru nian. Sekretáriu Estadu kona-ba Promosaun Igualdade, ho apoiu ne'ebé nia simu husi United Nations Development Fund for Women (UNIFEM) no UNMIT, fahe observasaun finál husi Diálogu Konstrutivu kona-ba Timor-Leste (Constructive Dialogue of Timor-Leste) ho Komité kona-ba Eliminasau ba Forma Hotu-Hotu Diskriminasaun Hasoru Feto ba-dala-uluk, iha 30 Jullu iha Nova Iorque, ba Konsellu Ministru iha 4 Novembru, ba Ministériu nia pontu kontatu sira iha 5-6 Novembru no ba jéneru nia pontu kontatu sira iha distritu iha 17-18 Dezembru. UNMIT ho Nasoins Unidas nia ekipa iha nasaun ne'e fó apoiu ba esforsu atu hasa'e konxiénsia jerál katak violénsia doméstika ne'e krime públiku ida tuir Kódigu Penál foun hateten no mós kampaña promosaun ne'ebé lansa iha Loron Nasionál Feto nian iha 3 Novembru. UNMIT fó mós apoiu ba kampaña ida ne'ebé hala'o iha loron 16 nia laran atu halakon violénsia hasaoru feto, Visi Primeiru-Ministru Guterres mak lansa kampaña ne'e iha 25 Novembru.

16. Rezultadu no lia-menon sira husi misaun téknika avaliasaun nian mai iha iha Seksaun III iha kraik no foka ba UNMIT nia mandatu iha área prioritária haat, hanesan refleto iha estratéjia tempu médiu nian: revizaun no reforma ba setór seguransa; hametin estado de direito; promosaun ba kultura governasaun demokrátika no diálogu; no desenvolvimentu ekonómiku no sosiál (haree S/2009/72, paras. 47-48). Tanba UNMIT ne'e misaun integrada ida, ne'ebé kontinua aplika forma "Nasoin Unidas nia sistema ida" iha kuadru estratéjiku integradu ida ne'ebé kobre mandatu nia área hotu-hotu, misaun avaliasaun haree ba UNMIT nia atividade hamutuk ho atividade hirak ne'ebé Nasoin Unidas nia ajénsia, fundus no programa sira hala'o. Misaun avaliasaun ne'e inklui representante husi departamentu relevante sira Nasoin Unidas nian, no mós representante senior sira husi UNMIT no ekipa Nasoin Unidas nian iha nasaun ne'e, no halo servisu hamutuk ho lideransa UNMIT nian.

III. Misaun Téknika Avaliasaun

17. Molok misaun avaliasaun to'o, UNMIT no ekipa Nasoin Unidas nian iha nasaun ne'e halo tiha ona konsulta ho Governu Timor-Leste no parte interesadu prinsipál sira. Iha 9 Dezembru 2009, Prezidente hala'o reuniaun ida, ne'ebé partisipa mós Primeiru-Ministru, Sekretáriu Estadu Seguransa, Sekretáriu Estadu Defeza, Xefe Intelijénsia, Komandante F-FDTL no Diretór Sentru Formasaun PNTL nian, ho ha'u-nia Representante Espesiál iha altura ne'ebá Atul Khare, nia Visi sira no Komisáriu Polísia, atu apresenta Timor-Leste nia vizaun kona-ba prezensa Nasoin Unidas nian iha futuru. Durante misaun avaliasaun nia vizita, misaun ne'e nia Xefe, hamutuk ho ha'u-nia Representante Espesiál no nia Visi sira, no mós misaun avaliasaun nia ekipa setoriál sira,

18. Misaun avaliasaun ne'e iha mandatu atu halo revizaun ba progresu ne'ebé mak hetan ona hodi tuir estratéjia ba tempu médiu nia laran no hetan pontu-referénsia ne'ebé mak estabesele ba área prioritária haat iha mandatu UNMIT nian, hanesan hateten iha ha'u-nia relatóriu 4 Feveireu 2009 (S/2009/72, Aneksu). Nune'e, nia harii nia ekipa sira iha setór ne'e, no apresenta nia rezultadu sira iha kraik tuir área haat ne'e: garante seguransa no estabilidade; estado de direito, justisa no direitos umanus; kultura kona-ba governasaun demokrátika no diálogu; no desenvolvimentu sosiál no ekonómiku. Misaun avaliasaun rona katak vontade atu Nasoins Unidas mantein nia apoiu to'o 2012 ne'e unánime iha espetru polítiku no sociedade sivil nia leet, no katak, ho énfaze ne'ebé la hanesan, vontade ne'e aplika ba área haat ne'e – ne'ebé kontinuasaun husi papél importante ne'ebé ha'u-nia Representante Espesiál nia *bom officio* hala'o mak avansa iha oin. Nune'e mós, iha énfaze ida klaru katak Nasoins Unidas nia apoiu ne'e tenke hato'o ho respeito tomak ba soberania nasional no kapasidade nasional nia desenvolvimentu no mós respeito ba sensitividade kulturál. Interlokutór barak ne'ebé misaun avaliasaun hasoru sente katak Nasoins Unidas bele kada vez mais hato'o nia apoiu hoi pesoál internasionál número ki'ik liu ne'ebé iha koñesimentu espesializadu, hanesan asesór ka orientadór ba kontra-parte Timoroan sira.

19. Hahú 2006 mak UNMIT fó apoiu ba seguransa no estabilidade, hamutuk ho forsa seguransa internasionál ne'ebé Governu Australia no Nova Zelandia fornese ba Timor-Leste, bazeia ba akordu bilaterál ho Governu Timor-Leste. Forsa seguransa internasionál kontinua iha Timor-Leste, maibé misaun avaliasaun hetan informasaun katak, tuir diskusaun bilaterál no haree ba progresu di'ak iha situasaun seguransa nian, forsa ne'e hahú nia redusaun iha 2009 no sei kontinua redusaun ne'e iha 2010, sira-nia postura sei muda no sira-nia kompozisaun sei ajusta ba aumentu kapasidade hodi bele fó formasaun no asisténsia desenvolvimentu sira seluk ba F-FDTL.

20. Atu bele reflète loloos rezultadu no lia-menon sira husi misaun téknika avaliasaun, parte ne'ebé resin iha Seksaun ne'e bazeia liliu ba testu ne'ebé hasai husi misaun ne'e nia relatóriu.

A. Vizaun Jerál

21. Maski Timor-Leste hetan ona progresu lubuk ida iha área oin-oin, hahú husi 1999 no 2006, kestaun polítika, institusionál no sosiál sira ne'ebé fundamentál sei iha nafatin. Timor-Leste hetan ona rekuperasaun husi krizi 2006, tanba hakotu ona dezafiu imediatu sira; estabilidade no seguransa harii hikas ona no halo ona tranzisaun ne'ebé iha jerál la'o ho dame hodi harii Governu foun ida. Vida iha Dili – distritu ne'ebé hetan impaktu boot liu husi krizi ne'e - fila hikas ba normalidade aparente. Ministériu sira hatudu kapasidade ne'ebé sa'e daudaun. Iha 2008, Estadu nia instituisaun sira liu husi teste ba-dala-uluk hafoin krizi 2006 – atake hasoru Prezidente no Primeiru-Ministru. Maibé, oinsá sira bele

22. Timor-Leste foti ona medidas pozitivu hodi harii instituisaun demokrátika sira no hala'o eleisaun pasífika iha 2007, ne'ebé sai Governu foun ida ho maioria iha Parlamentu no opozisaun ida ne'ebé ativu, no mós eleisaun suku iha 2009. Maibé, sei dauk halo teste kompletu ba instituisaun demokrátika sira-nia kbiit; eleisaun munisipál no nasional ne'ebé atu hala'o iha períodu 2010-2012 sei sai hanesan indikadór importante hodi sukat nivel progresu ne'ebé Timor-Leste hetan ona iha nia tranzisaun ba Estadu demokrátiku ida ne'ebé bazeia ba *estado de direito*. Eleisaun hirak ne'e sei sai mós hanesan teste importante tebes ida ba nasaun ne'e nia estabilidade polítika no PNTL nia kapasidade. Lider polítiku balu hatudu sira-nia laran-ta'uk kona-ba seguransa durante eleisaun, ne'ebé sei sai disputa maka'as. Iha tentativa ida atu marka faze preliminar eleisaun munisipál nian ba 2010, maibé planu ne'e bele dada naruk tan, tanba Parlamentu sei dauk aprova pre-rekizitu lejislativu kona-ba descentralizasaun, no sei dauk to'o konsensu polítiku kona-ba fronteira administrativa no kestaun sira seluk ne'ebé iha relasaun ho ne'e.

23. Iha sinál enkorajamentu ida katak eziste kometimentu atu hametin transparénsia no mekanizmu responsabilizasaun iha Governu nia leet. Se la rezolve didi'ak risku korrupsaun nian no fraku prestasaun servisu, públiku nia frustrasaun bele sa'e boot liu tan. Sosiedade sivil kontinua relativamente fraku no iha asesu limitadu ba sentru sira ne'ebé foti desizaun nian. Média, iha Timor-Leste, sei iha nia faze inisiál dezenvolvimentu no hasoru dezafiu oioin atu garante nia independénsia, objetividade no sustentabilidade.

24. Governu fó sai ona nia kometimentu atu harii estado de direito iha Timor-Leste, liu husi kadru lejislativu no konsolidasaun ba instituisaun justisa nian. Maski nune'e, sistema justisa formál laiha públiku nia konfiansa, ne'ebé bazeia ba persesaun impunidade. Aleinde ne'e, prinsípiu separasaun podér dala barak la hetan respeitu; ezemplu importante ida mak bainhira entrega eis-lider milísia Maternus Bere, ne'ebé hetan dadur tuir akuzasaun kona-ba krime kontra umanidade, ba funcionáriu Indonesia sira, tuir desizaun ezeutiva ne'ebé foti iha prosesu judisiál nia li'ur. Perdaun prezidensiál sira ikus liu ne'e no komutasaun ba sentensa ne'ebé envolve kazu lubuk ida kona-ba 2006 no seluk kontribui hodi hasa'e tan persesaun impunidade nian. Esforsu kontínuu atu garante populasaun nia asesu di'ak liu ba justisa ida ne'ebé independente, transparente no efetivu hetan obstákulu tanba número husi kazu sira ne'ebé sei dauk hakotu aas tebes no laiha infraestrutur no rekursus umanus adekuaudu, hamutuk ho nesiedade atu hala'o formasaun kontínuu no espesializadu.

25. UNMIT nia *bom oficio* hala'o knaar importante tebes iha períodu hafoin krizi 2006, liu husi apoiu no fasilita diálogu entre parte interesadu Timoroan sira, inklui diálogu entre

26. Esperiência sira liu ba ne'e hatudu katak forsa seguransa rasik bele sai ameasa boot ida. Reforma ba setór seguransa iha Timor-Leste ne'e prosesu mudansa ida ne'ebé kontinua la'os neine'ik ho baze ida limitadu kona-ba apropriasaun nasional, situasaun ida-ne'e la'os normal iha kontestu pós-libertasaun no pós-konflitu. Maski nune'e, iha Prezidente no Primeiru-Ministru nia lideransa, reforma iha setór nia nivel jerál no mós iha F-FDTL no PNTL nia desenvolvimentu no tan servisu seguransa sira seluk, hetan ona progresu. Maibé sei iha nafatin dezafiu significativu, dezafiu sira-ne'e balu kontribui ba krizi 2006. Ne'e inklui supervizaun no jestaun sivil, no definisaun no delineasaun ba knaar no responsabilidade entre F-FDTL no PNTL. Governu foti daudaun medida ho objetivu atu rezolve dezafiu hirak ne'e, inklui desenvolvimentu ba Polítika Seguransa Nasionál no proposta-lei kona-ba setór seguransa. Dezafiu mós kontinua nafatin iha área kapasitasaun institusionál, ne'ebé inklui mekanizmu kona-ba responsabilizasaun interna, profesionalizmu no respeito ba direitus umanus no jéneru. Preokupasaun kona-ba politizasaun no diskriminasaun iha forsa seguransa nia laran parese tun maibé kontinua relevante. Kona-ba ne'e, maski interlokutór barak liu haree katak risku kona-ba konfrontasaun entre F-FDTL/PNTL redús hahú husi 2006 to'o ohin, iha preokupasaun husi persesaun kona-ba PNTL nia "militarizasaun", haree ba unidade espesial sira-nia vizibilidade konstante ho kilat narunaruk.

27. Iha jerál, situasaun iha fronteira entre Timor-Leste ho Indonesia kontinua hakmatek, maibé sei iha nafatin disputa ne'ebé mosu liliu tanba ema uza rai iha área fronteira ne'ebé sei dauk hakotun. Nasaun rua ne'e kontinua hala'o konsulta ho objetivu atu halo ramata markasaun besik pursentu tolu husi rai sira iha área fronteira nian ne'ebé sei dauk hakotun, maibé progresu kontinua limitadu no neine'ik.

28. Fatór sosiál no ekonómiku ne'ebé halo mosu krizi 2006 – hanesan rejime rai no propriedade nian, número populasauun joven ne'ebé aas no nivel dezempregu boot – hetan progresu uitoan maibé sei prezisa tinan barak atu bele hakotu kestaun hirak ne'e hotu. Presaun husi kreximentu populasauun nian sei sai mós dezafiu ba nasaun joven ne'e, tanba Timor-Leste iha média natalidade ida ne'ebé boot liu iha mundu. Distribuissauun kona-ba riku soin ne'ebé kontinua la hanesan ba ema hotu bele hamoris liña ruptura foun ka hakle'an tan sira uluk nian. Xoke ekonómiku ne'ebé mosu derrepente ka jestaun fiskál ne'ebé ladi'ak bele afeta situasaun seguransa jerál. Governu nia estratéjia hamihis uitoan ona kestaun hirak ne'e, ho osan ne'ebé mai husi mina-rai hodi hasa'e empregu públiku, transfere osan ba setór vulneravel sira iha populasauun nia leet, hasa'e saláriu no loke kontratu Governu nian ba infraestruturá no projetu sira seluk. Maski estratéjia hirak ne'e

B Garantia ba Seguransa no Estabilidade, Agora no Futuru

Progresu

29. Estratêjia ba tempu médiu nia primeira área no pontu-referénsia sira, “garantia ba seguransa no estabilidade, agora no futuro” (Aneksu, S/2009/72), iha relasaun ho manutensaun seguransa no mós ho konsolidasaun no reforma ba instituisaun sira iha setór seguransa nian, liliu atu dezenvolve setór seguransa ida efetivu no responsavel ne’ebé garante seguransa no estabilidade ba tempu médiu no tempu naruk nia laran. Halo ona progresu iha área ida-ne’e, hanesan esplika iha kraik.

Revizaun integrál ba setór seguransa

30. Prosesu ne’ebé hala’o revizaun integrál husi mandatu la’o neine’ik. Prosesu ne’e fó ona kontribuisaun ba iniciativa lubuk ida kona-ba reforma ba setór seguransa nian, ne’ebé autoridade Timor-Leste sira mak hahú no hana’in, iha área supervizaun sivil nian, preparasaun ba politika seguransa nasional, dezenvolvimentu lejislativu no dezenvolvimentu ba instituisaun prioritária sira iha setór seguransa nian. Iniciativa hirak ne’e inklui pakote lejislativu kona-ba seguransa nasional no reforma ba PNTL no F-FDTL, inklui implementasaun ba rejime karreira no mekanizmu dixiplinár.

Dezenvolvimentu ba instituisaun sira iha setór seguransa: PNTL

31. To’o 14 Janeiru 2010, rejista ona membru PNTL hamutuk 3,155 husi forsa 3,172 ne’ebé hetan ona autorizasaun. Número ne’e korresponde ho proporsaun ida ne’ebé iha liu membru PNTL 1 ba populasau 300, prátika di’ak liu polisiamentu nian hatudu katak número ida-ne’e bele nato’on atu hatán ba nesesidade nasaun ne’e nian. Ho membru polisia fetu hamutuk 581 (pursentu 19), PNTL iha proporsaun fetu polisia nian aas liu iha nasaun barak. Hahú krizi 2006 mak PNTL foti medidas atu harii hikas forsa ne’e tomak, tuir Mekanizmu Suplementár Polisiamentu nian. PNTL simu hikas responsabilidade prinsipál polisiamentu nian iha Maiu 2009. Dezenvolvimentu importante ida akontese foi daudaun maka aprovasaun sistema promosaun nian ba PNTL, ne’ebé hein atu implementa iha inísiu 2010.

32. To’o duni iha loron ne’ebá, polisia Nasoins Unidas hamutuk 1,532 (fetu 58) husi nasaun kontribuinte 41, husi forsa 1,608 ne’ebé hetan autorizasaun, mak hetan kolokasaun iha distritu 13, ne’ebé inklui unidade polisia formadu haat (ho polisia 140 ba unidade ida). Unidade polisia formadu sira-ne’e hetan kolokasaun hanesan elementu ne’ebé fó apoiu hodi prevene asaun violénsia no rungranga públiku.

33. Hahú 2006 bainhira UNMIT kaer responsabilidade interinu polisiamentu nian, no servisu hamutuk ho kontra-parte PNTL sira, krime iha Timor-Leste hetan redusaun beibeik. Polisia UNMIT, inklui unidade polisia formadu sira, halo servisu imporante

34. Polísia UNMIT fó treinamentu ka formasaun kona-ba sertifikasaun provizória no sertfikasaun kona-ba kilat, no atu fó apoiu ba programa orientasaun. Hala’o mós kursu (hamutuk ho Sentru Formasaun Polísia nian) ho objetivu atu hasa’e kompeténsia iha área jestaun nian, inklui kursu ba komandante eskuadra PNTL sira no komandante distritu sira, no mós kursu espesializadu kona-ba protesaun seguransa besik (polisiamentu komunitáriu, inteligénsia bázika no investigasaun dixiplinár.

Dezenvolvimentu ba instituisaun sira iha setór seguransa: F-FDTL no servisu seguransa sira seluk

35. Bazeia ba Governu nia Livro Branco estratéjiku (strategic white paper) kona-ba defeza (“Forsa 2020”), no ho apoiu bilateral husi doador sira no, iha nível ida ki’ik liu, husi UNMIT, F-FDTL nia dezenvolvimentu la’o daudaun ba oin. Iha tinan liu ba, dezenvolvimentu ne’e inklui rekrutamentu ba membru foun na’in 579 no dezenvolvimentu ba kapasidade iha área lubuk ida, inklui patrullamentu marítimu, enjeñaria sivil no polisiamentu militar. F-FDTL oras-ne’e hanoin mós atu dezenvolve kapasidade ba jestaun dezastre nian no partisipasaun iha operasaun manutensaun pás Nasoins Unidas nian.

36. Hatutan tan ba esforsu atu hametin kapasidade iha PNTL no F-FDTL nia laran, Governu foti ona medidas hodi dezenvolve tan organizasaun importante sira seluk ne’ebé fó mós seguransa, inklui Diresaun Nasionál ba Seguransa Edifísiu Públiku sira (ne’ebé informalmente bolu naran Seguransa Sivil), Diresaun Nasionál ba Protesaun Sivil (inklui *Fire Service* ne’ebé refere hanesan Bombeiros) no servisu inteligénsia (Serviço Nacional de Inteligência). Inisiativa lubuk ida husi ne’e hetan ona apoiu husi UNMIT.

Papél idaidak iha setór seguransa nian

37. Gabinete Prezidente nian no Governu foka sira-nia atensaun ba nesiedade atu define no trasa ho klaru instituisaun sira iha setór seguransa nia knaar no responsabilidade, liliu PNTL no F-FDTL, ho apoiu substansiál husi UNMIT, ne’ebé rezolve daudaun husi lejislasaun abranjente lubuk ida no husi prosesu Polítika Seguransa Nasionál nian. To’o ohin, projetu-lei hirak ne’e ladauk estabelese definisaun ida klaru entre F-FDTL no PNTL nia knaar, maibé antesipa ona katak lei subsidiária sei trata tan kestaun ne’e.

Supervizaun sivil

38. Hakat importante ida atu hametin supervizaun sivil ba setór seguransa mak Komisaun B iha Parlamentu, ne’ebé nia mandatu inkluisupervizaun parlamentár ba instituisaun sira seguransa nian. Nasoins Unidas fornese konsultór tékniku dedikadu ba Komisaun ne’e, konsultór sira-ne’e fó apoiu ba grupu ne’e kona-ba asuntu lubuk ida, inklui análise ba lejislasaun.

39. Esforsu ne’ebé Governu halo atu dezenvolve tan Ministériu Defeza no Seguransa, ne’ebé inklui antigu Ministériu Defeza no Interior, representa hakat ida ba oin atu halo

40. Autoridade Timoroan sira fó ona hakat signifikatibu ba oin hodi dezenvolve kuadru jurídiku ida ba setór justisa nian. Kuadru jurídiku ne'e inklui lei kona-ba Ministériu Defeza no Seguransa, Polísia, Veteranu no Polísia Militár. Hatutan tan ne'e, Parlamentu konsidera daudaun pakote sentrál ida ho proposta lei kona-ba seguransa, ne'ebé inklui Lei Seguransa Nasionál, Lei Defeza Nasionál no Lei Seguransa Interna. Iha hanoin ida katak Lei Seguransa Nasionál, hamutuk ho Polítika Seguransa Nasionál, sei fornese kuadru jerál ida ba koordenasaun seguransa nian.

41. Dezenvolvimentu ba Polítika Seguransa Nasionál, ne'ebé halo ho UNMIT nia apoiu no liu husi konsulta ho parte interesadu oin-oin, hetan ona progresu signifikativu. Iha probabilidade katak projetu kona-ba Polítika Seguransa Nasionál sei apresenta ba Konsellu Ministru iha inísiu 2010. Bainhira kompleta tiha, Polítika ne'e sei fó baze polítika ba Timor-Leste nia setór seguransa.

Dezafiu sira

Revizaun integrál ba setór seguransa

42. Biar kometimentu husi Prezidente no nia Gabinete no mós husi Governu atu hala'ó revizaun integrál husi mandatu, envolvimentu iha prosesu ne'ebé hatán tiha ona ne'e hahú limitadu no neine'ik. Maski autoridade Timoroan sira-nia envolvimentu sa'e maka'as durante fulan 12 liu ba, UNMIT devia halo nafatin esforsu atu promove apropriasaun nasional tomak ba prosesu ne'e, ho objetivu atu fó apoiu ba autoridade nasional sira-nia kometimentu atu kompleta revizaun ne'e no reflète revizaun ne'e nia rezultadu iha planu sira ne'ebé atu halo tan reforma. Hein mós katak rezultadu husi revizaun integrál ne'e sei uza iha prosesu importante sira seluk, hanesan dezenvolvimentu kontínuu ba Polítika Seguransa Nasionál no lejislasaun kona-ba seguransa, no hein mós katak konsulta sira sei rezulta iha kometimentu ida ba diálogu kontínuu kona-ba kestaun seguransa nian, ne'ebé envolve parte interesadu hotu-hotu iha Timor-Leste. Presiza mós kometimentu boot liu husi servisu seguransa sira ba Timoroan hotu-hotu nia direitu, nesiedade no prekusasaun kona-ba seguransa, liliu iha nivel comunidade nian.

Dezenvolvimnetu ba instituisaun sira iha setór seguransa: PNTL

43. PNTL kontinua hasoru dezafiu importante, iha parte kapasidade nian no mós integridade nian, no nia sei dauk iha kondisaun atu bele implementa nia responsabilidade polisiamentu hotu-hotu. Planu kona-ba reforma, re-estruturasaun no rekonstrusaun, ne'ebé polísia UNMIT dezenvolve no apresenta ba Governu iha Janeiro 2008 atu halo konsiderasaun, la hetan apoiu husi Governu tanba ne'e planu ne'e la ramata. Lahó planu ida ne'ebé akordadu, polísa UNMIT nia atividade kona-ba rekonstituisaun no reforma hala'ó ho baze iha akordu no entendimentu ketak.

44. Governu nia planu ida agora ne'e, maski merese louvor, nia sei dauk to'o atu halo dezenvolvimentu estruturadu ba PNTL. Maibé, liu husi avaliasaun ne'ebé hala'o iha distritu no planu asaun sira ne'ebé integra iha prosesu atu PNTL hahú hikas nia responsabilidade polisiamentu, Governu, ho apoiu husi UNMIT, hahú dezenvolve ona planu asaun jerál ida atu rezolve falta hirak ne'ebé mak hetan iha distritu no unidade sira. UNMIT oras-ne'e halo esforsu atu tulun Governu hametin no dezenvolve vizaun estratéjika ida ho planu asaun ne'ebé mak korresponde ho estratéjia ne'e, no fó apoiu ne'ebé de'it mak nia bele hodi implementa planu hirak ne'e. Fatór importante ba susesu ne'e mak nivel apropriaun ba planu asaun jerál husi parte Governu nian, no koordenasaun efetiva kona-ba planu ne'e nia implementasaun, inklui koordenasaun ho parseiru bilaterál sira.

45. Difikuldade boot ida ne'ebé polisia UNMIT hasoru bainhira dezenvolve no implementa pakote integrál formasaun nian mak falta treinadór no asesór especializado husi polisia UNMIT. Laiha mós polisia kualifikadu ka asesór sivil especializado husi UNMIT atu fó asesoria téknika hodi tulun PNTL iha nivel oin-oin, iha área sira hanesan pesoál, orsamentu, finansas, akizisaun, arkivu no jestaun ba asset, forense, teknolojia informasaun nian, dezenvolvimentu ba planu no programa sira, ligasaun ho doadór sira no mobilizasaun ba rekursus. Aleinde ne'e, hanesan Governu no Timoroan sira seluk ne'ebé ko'alia ho misaun avaliasaun hateten, tenke fó konsiderasaun atu atividade reforma ne'ebé polisia UNMIT hala'o ne'e mai husi nasaun kontribuinte uitoan liu no atribui atividade ne'e ba tempu naruk hodi bele garante uniformidade kona-ba padraun polisiamentu nian. Ida-ne'e signifika katak nasaun ne'ebé kontribui ho polisia atu garante katak polisia ne'ebé sira haruka iha perfil nesésáriu no koñesimentu especializado, inklui especialidade kona-ba orientasaun, formasaun, asesoria no reforma, hanesan Departamentu Operasaun Misaun Manutensaun Pás ezije. Se bainhira nasaun ne'ebé mak kontribui ho polisia labele fó polisia especializado ka se bainhira continuidade importante tebes, tenke rekruta pesoál sivil ba pozisaun sivil sira liu husi prosesu rekrutamentu normál ka destakamentu husi Estadu Membru sira. Aleinde ne'e, iha nafatin vontade atu hasa'e proporsaun polisia feto nian iha polisia UNMIT nia laran.

46. PNTL laiha nafatin kapasidade iha área operasaun nian, administrasaun no jestaun nian. Iha kuaze distritu no unidade hotu-hotu, PNTL hasoru nafatin dezafiu boot, liliu iha área transporte nian, lojística, komunikasaun, ekipamentu eskritóriu no fasilidade sira, situasaun ne'e halo PNTL sai dependente ba polisia UNMIT atu bele hala'o nia knaar lora-lora. Maski dezenvolve ona norma no prosedimentu nasional lubuk ida kona-ba parte operasaun nian, PNTL sei dauk iha prosedimentu padraun (standard procedures) kona-ba diretiva, matadadalan no ezersísiu báziku formasaun nian hodi bele hala'o nia knaar. Falta norma ida loloos kona-ba oinsá atu uza forsa, falta fasilidade atu rai kilat, falta mekanizmu responsabilizasaun ne'ebé adekua, kontribui mós ba membru PNTL sira la uza loloos kilat, inklui okaziaun balu ne'ebé sira lori kilat durante tempu ne'ebé sira la hala'o servisu, situasaun ida-ne'e kontra dispozisaun sira iha PNTL nia lei orgánika no norma. PNTL nia Unidade Polisia Fronteira laiha rekursus, fatin ba eskritóriu no lojística sira seluk atu responde ba entrada ilegál husi fronteira no iha informasaun katak tráfico ema nian aumenta.

47. Iha jerál, PNTL iha nesiedade boot atu hasa'e tan koñesimentu kona-ba lideransa, investigasaun kriminál (inklui violénsia ne'ebé bazeia ba jéneru), forense no jestaun ba fatin krime nian, oinsá atu uza forsa, lejislasaun no prosedimentu sira, polisiamentu komunitáriu, trafiku, polisiamentu iha tasi, polisiamentu iha fronteira, protesaun seguransa besik, komunikasaun, dixiplina no étika no direitus umanus. Presiza tan formasaun iha área hirak ne'e, no mós sensibilizasaun kona-ba jéneru. Labele ezajera nesiedade atu Unidade ba Ema Vulneravel iha funsionamentu ida kompletu, no sei fó apoiu espesífiku hodi hasa'e Unidade sira-ne'e nia kapasidade. Iha kuak boot tebes ida iha polísia sira-nia koñesimentu no espesialidade téknika, ne'ebé prevene polísia atu halo investigasaun sistemátika kazu sira tuir lejislasaun estatutária.

48. PNTL nia Batalhão Ordem Pública (Batallaun Orden Públika) agora daudaun ne'e iha kompania rua, ne'ebé iha ema hamutuk na'in 175 no bazeia iha Dili no Baucau, nia knaar mak atu mantein no restaura orden públika, proteje fatin importante sira Estadu nian, fó protesaun ba VIP sira no reforsa operasaun polísia nian iha nasaun ne'e. Batallaun Orden Públika presiza hasa'e tan nia forsa ba ema na'in 300, no hasa'e nia kapasidade operasionál no lojística atu bele sai operasionalmente efetivu molok faze rekonstituisaun nian kompleta. Presiza fó tan atensaun ba treinamentu kona-ba antimotim (riot control), oinsá atu uza forsa, kódigu konduta no dixiplinár, jestaun ba krizi protesaun ba VIP no kontrole ba karavana (convoy escort).

49. Kona-ba PNTL nia integridade, maski kontratempu sira, populasau nia konfiansa ba instituisaun ne'e sa'e. Maibé, alegasaun kona-ba korrupsaun no impunidade ba hahalok laloos, inklui insidente balu ne'ebé envolve prende ema arbiru, uza forsa maka'as liu no tratamentu aat, liliu husi Polísia Task Force, estraga tiha konfiansa ba PNTL, liliu entre joven sira no grupu vulneravel sira. Kazu barak ne'ebé UNMIT nia Seksaun kona-ba Direitus Umanus no Justisa Tranzitória simu, membru comunidade sira lakoi apresenta keixa, dala ruma sira hateten katak sira ta'uk retaliasaun ka presaun husi membru PNTL sira atu hakotu sira-nia kazu husi mekanizmu justisa informál no tradisionál. Ida-ne'e hatudu katak iha nesiedade atu hametin norma no prosedimentu institusional kona-ba oinsá atu uza forsa, tuir padraun internasionál no nasional, no katak iha nafatin nesiedade atu fó formasaun kona-ba direitus umanus. UNMIT dezenvolve ona planu formasaun ida. Presiza estabese mekanizmu administrativu ida loloos, tuir funsaun públika nia regulamentu ida agora ne'e no polítika kona-ba supervizaun sivil ne'ebé estabese ona, hodi garante responsabilizasaun ba membru PNTL sira ne'ebé envolve iha violasaun direitus umanus no violasaun dixiplinár.

50. Dezafiu boot ida tan ne'ebé PNTL hasoru mak falta koñesimentu kona-ba lei foun sira, situaun ne'e dala barak lori membru PNTL sira halo "mediasaun" entre sala-na'in no vítima kona-ba ofensa kriminál. Lejislasaun balu sei dauk tradús ba Tetum, lian ne'ebé membru PNTL barak liu uza. Arkivu investigasaun nian dala ruma hakerek iha lian haat (Portugés, Tetum, Indonesia no Inglés), tan ne'e investigadór sira hasoru difikuldade bainhira sira halo revizaun ba kazu ida.

51. Iha jerál, iha nesiedade atu hadia ligasaun polisia-komunidade, liliu kona-ba kontatu ho comunidade iha nivel komandu distritál. Representante komunitáriu uitoan liu

52. Oras-ne'e PNTL iha kapasidade uitoan liu kona-ba komunikasaun estratéjika ho públiku. Atu PNTL bele iha kbiit hodi hala'o kampaña nasional kona-ba asuntu sira lei no orden ninian no mós atu envolve efetivamente ho média nasional, nia prezisa iha pesoál ne'ebé dedikadu no orsamentu ida no mós programa sustentável kona-ba dezvoltimentu kapasidade nian. Ida-ne'e esensial ba atividade polisiamentu tomak, maibé liliu ba polisiamentu komunitáriu no servisu espesializadu sira, hanesan Unidade Protesaun ba Vítima.

53. PNTL nia orsamentu ba 2010 hetan redusaun uitoan kompara ho 2009, no iha projesaun ida atu hamenus tan iha 2011. Sistema administrativu sira ne'ebé iha, inklui ba pesoál, orsamentu, finansas, akizisaun, asset no jestaun ba arkivu, prezisa hadia tan, liliu iha área implementasaun nian. Governu prezisa fó assisténsia finanseira no materiál ba PNTL, inklui assisténsia ba transporte, komunikasaun, ekipamentu no sasan sira seluk, no mós renovaun ka konstrusaun ba fasilidade sira, nu'udar kestaun prioritária ida.

54. Doadór bilaterál sira, liliu Australia, Japaun, Nova Zelandia, Portugal no Estados Unidos, fó nafatin programa formasaun dezvoltimentu nian ho énfaze ba apoiu no kursu espesializadu sira (ezemplu, lideransa, polisiamentu komunitáriu, violénsia ne'ebé bazeia ba jéneru, dispozitivu husi enjeñu esplozivu, no guarda kosteira). Maibé, iha nesidade atu koordena assisténsia bilaterál tuir forma ida ne'ebé integrál liu.

Dezvoltimentu ba instituisaun sira iha setór seguransa: F-FDTL

55. Tanba laiha Polítika Seguransa Nasional ida no rekizitu lejislativu ne'ebé define ho klaru instituisaun seguransa sira-nia knaar no responsabilidade, F-FDTL nia dezvoltimentu nu'udar forsa defeza profesionál no responsavel sai nafatin hanesan dezafiu ida. Maski Governu fó sai ona nia kometimentu atu garante katak sei iha balansu kona-ba representasaun jeográfika iha parte rekrutamentu nian, maibé parese ke kandidatu sira husi rejiaun leste (lorosa'e) mak iha liu susesu, liliu iha nivel ofisiál nian. Maski porsentu hitu husi rekruta foun sira feto, laiha feto ida mak hetan selesaun atu simu formasaun ba ofisiál. Prezisa halo mudansa sistemátika atu garante katak feto sira hetan asesu hanesan ba formasaun no dezvoltimentu karreira nian, no mós prezisa foti medida hodi fó protesausun ba feto sira hasoru esplorasun no abuzu.

Supervizaun sivil

56. Komisaun B Parlamentu nian hasoru nafatin dezafiu kona-ba kapasidade atu hala'o ho efetividade nia papél iha área supervizaun sivil nian. Kona-ba ne'e, representante sira

57. Sekretaria Estadu rua ne'ebé iha Ministériu Defeza no Seguransa nia laran hasoru nafatin difikuldade tanba kapasidade kona-ba jestaun, administrasaun no rekursus umanus la to'o, liliu kona-ba dezenvolvimentu ba programa no planu sira, akizisaun no finansas. Limitasaun hirak ne'e kria difikuldade atu hala'o kontrole sivil ida ne'ebé efetivu ba sira-nia servisu seguransa.

58. Sosiedade sivil nia kapasidade atu envolve iha kestaun sira kona-ba reforma iha setór seguransa nian sei limitadu nafatin, liliu iha área sira ne'ebé relevante ba seguransa feto nian. NGO uitoan liu mak trata kestaun sira ne'ebé iha relasaun ho reforma seguransa nian, no sira bele tulun hodi hasa'e propriedade nasional ba prosesu reforma nian iha setór seguransa no hasa'e konfiansa ba seguransa nia instituisaun sira.

Prioridade sira ba 2010-2012

59. Área prinsipál rua ne'ebé presiza apoiu barak ba reforma no dezenvolvimentu iha nivel jeral setór seguransa nian iha Timor-Leste mak: (a) kompleta revizaun setór seguransa nian liu husi konsulta ida luan ho parte interesadu Timoroan sira, no asegura katak revizaun ne'e la'o iha harmonia ho polítika no lejiislasaun ne'ebé mosu no kontribui hodi dezenvolve planu nasional dezenvolvimentu ida ba setór seguransa; no (b) hametin supervizaun sivil no kapasidade jestaun nian iha Ministériu Defeza no Seguransa, Komisaun B Parlamentu nian no sosiedade sivil. Asisténsia atu kompleta Polítika Seguransa Nasional no pakote husi prjetu kona-ba lei seguransa nian devia sai hanesan prioridade boot ida, no fó atensaun hodi define no trasa ho klaru instituisaun hotu-hotu iha setór seguransa nia knaar no responsabilidade, liliu PNTL no F-FDTL. Tanba UNMIT redús nia kompozisaun iha futuro, presiza diskuti ho Nasoins Unidas nia ekipa iha nasaun ne'e no ho parseiru bilaterál sira kona-ba oinsá atu kontinua ho apoiu ne'e.

60. Kona-ba reforma no dezenvolvimentu PNTL nian, devia fó énfaze ba apoiu ba autoridade nasional sira atu hametin supervizaun sivil no PNTL nia jestaun, enkuantu hasa'e daudaun forsa ne'e nia responsabilizasaun no efektividade liu husi dezenvolvimentu ba nia kapasidade iha área operasaun, administrasaun no jestaun, prosesu dixiplinár, ligasaun polísia-komunidade, respeitu ba direitos umanus, jéneru no seluk tan.

61. Kona-ba ne'e, UNMIT sei fó apoiu ba Governu hodi harii mekanizmu kontrole nian atu garante koordenasau efetiva ba fundus ba programa no prjetu sira. Haree ba polísia UNMIT nia limitasaun atu kontribui ba PNTL nia dezenvolvimentu, no tau iha konsiderasaun vantajen komparativa husi atór oioin, sei hametin koordenasau nasional ho parseiru bilaterál sira, liliu ho Programa Dezenvolvimentu ba Polísia Timor-Leste ne'ebé hetan apoiu husi Australia. Retomada responsabilidade prinsipál husi PNTL sei sai nafatin prioridade boot ida ba UNMIT.

62. Nasoins Unidas sei pruntu atu hatán ba pedidu husi Timoroan nia ofisiál senior sira no Komandante F-FDTL atu fó apoiu ba instituisaun ne'e iha área supervizaun no jestaun nian, dezentvolvimentu ba lejislasaun no ba planu no programa sira, orientasaun ba F-FDTL nia ofisiál ligasaun sira iha fronteira, koordenasau ba manutensaun pás no treinamentu husi parseiru bilaterál sira kona-ba jestaun dezastre nian, treinamentu kona-ba komunikasaun sosiál no promosaun ba étika, ho relasaun ba direitos umanus, no sensibilizasaun kona-ba jéneru. Atividade hotu-hotu ne'ebé iha objetivu atu dezentvolve estritamente kapasidade militar, liliu sira ne'ebé mak iha relasaun ho uza forsa nian, sei kompete de'it ba parseiru bilaterál sira.

Retomada polisiamentu nian

63. Iha reuniaun ne'ebé Prezidente hala'o iha 9 Dezembru 2009 no durante misaun téknika avaliasaun nian, autoridade Timoroan sira apresenta sira-nia vizaun kona-ba polisia UNMIT nia knaar durante período 2010-2012. Sira-nia proposta inklui: (a) aselera prosesu retomada responsabilidade prinsipál husi PNTL, ne'ebé Dili nian entrega to'o Juñu 2010 no distritu no unidade hotu-hotu to'o 2010 ramata; (b) hamenus unidade polisia formadu nia prezensa iha Dili; (c) mantein polisia UNMIT iha PNTL nia Departamentu Justisa, hodi fó orientasaun kona-ba prosesu dixiplinár; (d) hanaruk kolokasaun (co-location) no rekonfigurasaun polisia UNMIT nian hodi fó apoiu operasionál, administrativu no jestaun ba PNTL, no hadi'ak orientasaun no formasaun; (e) fó treinamentu ho baze iha planu ida ne'ebé PNTL dezentvolve, uza polisia ho koñesimentu espesializadu husi nasaun kontribuinte uitoan de'it; no (f) halo hikas negosiasaun kona-ba Arranju Suplementár kona-ba Polisiamentu, liliu atu evita “duplu komandu” no halo revizaun ba prosesu “sertifikasaun”.

64. Iha inísiu 2009, Governu Timor-Leste no UNMIT to'o iha akordu ida kona-ba prosesu retomada responsabilidade prinsipál husi PNTL atu hala'o operasaun polisiál, husi distritu ba distritu no husi unidade ba unidade, tuir kritériu ne'ebé parte rua ne'e hatán-simu ona. Retomada responsabilidade prinsipál polisiamentu nian husi PNTL hahú iha Maiu 2009 iha Distritu Lautem; Distritu Oecussi no Manatuto, Sentru Formasaun Polisia nian, Distritu Viqueque, Unidade Marítima no Servisu Nasionál Intelijénsia entrega iha 2009 nia rohan. Foti ona desizaun ida katak Distritu Baucau no Ainaro sei entrega iha inísiu 2010 nian. UNMIT sei halo esforsu hotu-hotu atu garante katak prosesu retomada kompleta iha 2010 nia rohan. Maibé, planu Governu nian, liliu prosesu orsamentál, parese ke la tau iha konsiderasaun aumentu iha PNTL nia nesesidade ne'ebé sei mai hamutuk ho entrega ne'e no polisia UNMIT nia rekonfigurasaun tuir mai.

65. Liu tiha retomada responsabilidade polisiamentu nian iha distritu no unidade sira, polisia UNMIT halo monitorizasaun, fó konsellu no assisténsia ba PNTL, enkuantu mantein nia an disponível hodi fó apoiu operasionál no, in extremis, kaer hikas polisiamentu interinu, se bainhira husu no presiza. Harii ona mekanizmu kona-ba monitorizasaun konjunta atu halo monitorizasaun ba PNTL nia progresu iha distritu sira ne'ebé mak PNTL simu ona responsabilidade atu hahu hikas polisiamentu, atu sustenta nafatin reforma no transferénsia koñesimentu nian. Presiza hametin sistema monitorizasaun no uza di'ak liu sistema ne'e no, nu'udar kestaun urjénsia ida, tenke

66. Esforsu kontínuu hetan tan progresu iha programa rejistu nian, leno (screening) no sertifikasaun ba PNTL, ne'ebé polísia na'in 2,896 (feto 578) mak simu ona sertifikadu kompletu. Programa rejistu no sertifikasaun ne'e ezije katak polísia PNTL ne'ebé mak laiha sertifikadu tenke sai husi instituisaun ne'e. Polísia sira seluk ne'ebé mak la simu sertifikadu ne'e iha prosesu dixiplinár no krimínál ne'ebé sei dauk hakotu.. To'o ohin Governu foti ona medidas hasoru polísia na'in neen ne'ebé laiha sertifikadu no hetan kastigu kona-ba krime, no polísia ida tan tanba la halo rejistu. Maibé, Governu presiza adota no hasai lejislasaun relevante hodi bele garante implementasaun efetiva ba programa sertifikasaun nian, ho UNMIT ka parte interesadu sira seluk nia tulun, se presiza. Haree ba fatór hirak ne'e, oras-ne UNMIT ko'alia daudaun ho Governu atu hetan solusaun hodi garante katak polísia ne'ebé mak laiha sertifikadu tenke hetan suspensaun ka demisaun.

Komponente polísia UNMIT nia rekonfigurasaun

67. Durante 2010, polísia UNMIT sei kaer nafatin responsabilidade kona-ba polisiamentu interinu no seguransa pública iha Timor-Leste to'o PNTL simu hikas responsabilidade polisiamentu nian iha distritu no unidade hotu-hotu no completa tiha nia rekonstituisaun. Bainhira PNTL simu hikas responsabilidade ne'e, polísia UNMIT sei halo rekonfigurasaun ba nia organizasaun, nia lolon no nia kapasidade hodi hala'o nia knaar foun iha área monitorizasaun nian, asesoria, assisténsia no formasaun. Mudansa iha knaar polísia UNMIT nian rekere número polísia UNMIT ki'ik liu, maibé rekere kompeténsia especializada ne'ebé presiza. Sei adota abordajen (approach) ida ne'ebé liu husi faze rua: (a) fulan neen liu tiha entrega responsabilidade iha distritu ka unidade ida, sei halo avaliasaun kona-ba progresu iha PNTL nia dezempeñu, avaliasaun ne'e sei tau iha konsiderasaun bainhira halo revizaun ba kapasidade ne'ebé polísia UNMIT presiza iha; no (b) fulan sia liu tiha entrega ne'e, sei halo ajustamentu ba polísia UNMIT iha distritu no unidade sira, tuir knaar foun ne'ebé sira iha. Nune'e, redusaun inisiál ba polísia UNMIT iha distritu no unidade sira sei hala'o durante períodu hahú husi inísiu 2010 to'o Juñu 2011.

68. Sei iha fatór boot sira ne'ebé presiza tau iha konsiderasaun bainhira haree ba nesiedade polisiamentu nian iha tinan rua mai ne'e: eleisaun sira ne'ebé marka ona ba 2010-2012; atividade sívika no selebrasaun importante sira; possibilidade katak situaun seguransa bele sai ba boot, iha tempu badak tebes nia laran, husi insidente izoladu ida; risku subjacente ne'ebé mosu husi keixa sira ne'ebé la hakotu iha tempu liu ba; no situaun kiak no dezempregu bele hasa'e tensaun no aumenta atividade krimínál husi grupu arte marsiál sira ka seluk. Batallaun Orden Pública PNTL nian sei dauk iha kapasidade, treinu, apoiu lojístiku no ekipamentu atu hala'o servisu iha área kontrole ema-lubun nian iha nasaun ne'e. Tanba ne'e, iha nesiedade atu UNMIT nia unidade polísia formadu mantein prezensa mak'as, maski liu tiha PNTL nia rekonstituisaun kompletu, atu garante kapasidade resposta ba kontrole ema-lubun nian iha nasaun ne'e nia laran. Sira sei fó mós apoiu ba seguransa estátika; vizibilidade husi polisia intervensaun rápida iha eventú, atividade no manifestaun spesiál no boot sira; no halo

69. Nu'udar konsekuénsia, to'o 2011 nia klaran, polísia UNMIT nia kapasidade iha distritu no unidade sira sei tun husi 1,608 ba 1,280 (790 polísia individuál no 490 polísa iha unidade polísia formadu sira).

Grupu Ligasaun Militár

70. Harii ona Grupu Ligasaun Militár, tuir Konsellu Seguransa nia rezolusaun 1704 (2006), ho kapasidade to'o pesoál no militár ligasaun na'in 34, atu "fó apoiu ba Governu Repúblika Demokrátika Timor-Leste, atu halo ligasaun kona-ba atividade seguransa no atu harii prezensa kontínuu iha distritu tolu iha fronteira, hamutuk ho polísia armadu husi Nasoins Unidas ne'ebé halo servisu iha postu polísia sira iha distritu". Grupu Ligasaun Militár mantein postu iha distritu sira iha parte fronteira nian hanesan Bobonaro, Covalima no Oecussi no postu ida iha Dili no ida iha Baucau. Postu hirak ne'e mantein ligasaun ho forsa kontrole Indonesia no Timor-Leste nian, F-FDTL no forsa seguransa internasionál. Sira fó mós orientasaun ba militár ligasaun husi F-FDTL iha fronteira. Grupu Ligasaun Militár kontribui ho informasaun ba UNMIT kona-ba seguransa, no fornese efetivu militár ba Joint Operations Centre (JOC), Joint Logistics Operations Centre (JLOC) no Joint Mission Analysis Centre (JMAC).

71. Interlokutór hotu-hotu hateten ba misaun téknika avaliasaun katak Grupu Ligasaun Militár labele sai molok 2012. Grupu ne'e nia prezensa laho kilat, nia ligasaun ho elementu seguransa Timoroan no Indonesia sira iha fronteira, fó konfiansa no halo mediasaun iha área hirak ne'ebé mak sei dauk hakotu no bele neutraliza situasaun ida ne'ebé mak bele sai manas, hanesan insidente ida ne'ebé foin mosu iha enklave Oecussi. Tan ne'e, devia mantein Grupu ne'e ho ninia konfigurasaun no mandatu ida agora ne'e ba tinan 2010, no liu tiha ne'e sei halo revizaun ba nia kapasidade bazeia ba situasaun iha área sira fronteira nian.

C. Estado de Direito, Justisa no Direitus Umanus

Progresu

72. Estratéjia ba tempu médiu nia segunda área no pontu-referénsia sira (Aneksu, S/2009/72), "estado de direito, justisa no direitus umanus", iha relasaun ho esforsu atu reforsa judisiária nia funsionamentu, kompleta investigasaun sira ne'ebé mak sei dauk ramata no hametin instituisaun sira direitus umanus nian no mekanizmu responsabilizasaun.

73. Maski kontratempu sira iha 2006, Timor-Leste halo nafatin progresu iha área ida-ne'e. Maski número total violasaun direitus umanus nian, ne'ebé forsa seguransa sira halo, tun husi 2008 ba 2009, maibé uza forsa maka'as liu sei sai nafatin preokupasaun ida. Governu, inklui Ministru Justisa, simu ho liman rua relatóriu kona-ba avaliasaun integrál independente ba nesesidade setór justisa nian, ne'ebé ramata iha Setembru 2009.

74. Hahú 2007 mak estudante Timoroan na'in 37 simu graduasaun husi Sentru Formasaun Jurídika. Iha 2009 nia rohan, númeru funsionáriu justisa nian sa'e ba juis nasional 13 (feto na'in haat), prokuradór 13 (feto na'in neen) no defensor públiku 11 (feto na'in tolu). Atór jurídiku sira-nia tranzisaun husi funsaun liña ba knaar asesór iha instituisaun sira justisa nian kontinua. Gabinete Prokuradór Jerál sei hahú faze finál prosesu ne'e nian iha Marsu 2010, ho nomeasaun ba prokuradór nasional na'in lima tan. Lei foun ida hetan promulgasaun iha Agostu 2009, lei ne'e hasa'e saláriu ba juis, prokuradór no defensor públiku sira. Integra mós komponente formasaun ba direitus umanus iha programa formasaun jurídika hotu-hotu ne'ebé fó atu hametin koñesimentu tékniku no hasa'e setór justisa nasional nia kapasidade.

75. Prepara no implementa ona lejislasaun prinsipál, inklui Kódigu Penál ne'ebé agora kategoriza violénsia doméstika hanesan krime públiku. Parlamentu oras-ne'e konsidera daudaun Lei Kontra Violénsia Doméstika no Kódigu Sivil foun. Sinergia (Port.) entre instituisaun sira iha justisa formál no mekanizmu sira iha justisa tradisionál bele sai metin liu husi dezvoltamentu ba proposta-lei tradisionál ida, atu garante katak prátika tradisionál tenke konsistente ho padraun internasionál no nasional direitus umanus nian, liliu kona-ba feto no labarik sira. Ho aumentu iha númeru kazu sira ne'ebé prokuradoria kaer, ne'e hatudu katak konfiansa ba sistema justisa sa'e. Progresu signifikativu iha infraestruturá no prizaun nia programa sira hadi'a ona tratamentu ba dadur sira. Iha progresu balu kona-ba membru PNTL sira-nia responsabilizasaun. Hatutan tan ba medida sira ne'ebé mak foti hanesan parte prosesu sertifikasaun nian (haree para. 66 iha leten), membru PNTL na'in haat seluk hetan kastigu husi tribunál distritál kona-ba ofensa kriminal iha tinan ne'e.

76. Liu tiha tinan ida ne'ebé harii konsensu, Prezidente Parlamentu no partidu polítiku sira hatán-simu atu konsidera, to'o fulan Marsu 2010 nia rohan, projetu lei kona-ba instituisaun ida atu kontinua Comissão de Recepção, Verdade e Reconciliação no Comissão de Verdade e Amizade. Kona-ba investigasaun ba krime kontra humanidade ne'ebé komete iha 1999, to'o 15 Janeiro 2010, UNMIT nia Ekpa Investigasaun ba Krime Grave, ne'ebé servisu iha Prokuradór-Jerál nia autoridade okos, ramata investigasaun 110 husi 396 ne'ebé mak sei dauk hakotu.

77. Provedia Direitus Umanus no Justisa hametin no loka tan eskritóriu rejional haat iha 2008 no 2009. Hahú 2007, Provedia simu apoiu atu hasa'e nia pesoál nia koñesimentu

78. Inspektor husi Ministériu Edukasaun iha distritu no sub-distritu hotu-hotu simu formasaun kona-ba direitos umanus no profesór sira simu formasaun kona-ba edukasaun direitos umanus nian. Ministériu Edukasaun hateten ona katak nia fó apoiu atu hatama formalmente iha kurríkulu série kompletu direitos umanus nian, inklui direitu labarik nian no direitu feto nian. PNTL no F-FDTL simu mós formasaun kona-ba direitos umanus.

79. Nota katak halo ona progresu balu iha área relatóriu nian no kooperasaun ho órgaun sira husi tratadu direitos umanus nian. Governu hatán ona atu hato'o relatóriu ba Komité Direitu Ekonómiku, Kulturál no Sosiál iha nia prósimu relatóriu kona-ba tratadu, no apresenta ona nia relatóriu ba Komité kona-ba Eliminaasaun ba Forma Diskriminaasaun Hotu-Hotu Hasoru Feto. Sosiedade sivil no Provedoria completa ona sira-nia relatóriu-mahon (shadow report) ba Komité ne'e.

Dezafiu sira

80. Sei iha dezafiu barak, no eventua sira ne'ebé mosu iha tinan kotuk ne'e hatudu katak iha nesiedade atu hametin tan estado de direito iha Timor-Leste no mós atu dezenvolve kultura direitos umanus nian. Intervensaun polítika sobu prinsípiu importante sira hanesan responsabilizasaun, inklui krime grave, independénsia judisiál no separasaun poder, hanesan refere iha parágrafo 24 iha leten. Iha taxa aas violénsia doméstika nian no kapasidade fraka direitos umanus nian iha área prinsipál lubuk ida. Prosesu kona-ba retomada responsabilidade polisiamentu nian husi PNTL sei prezisa nafatin monitorizasaun ho kuidadu husi perspetiva direitos umanus no jéneru nian.

81. Investigasaun ba ofensa hirak ne'ebé komete iha 2006, ne'ebé Komisaun Espesiál Inkéritu identifika ona, no mós investigasaun ba ofensa hirak ne'ebé halo iha 1999, hanesan mandatadu husi Konsellu Seguransa, kontinua importante nafatin atu completa. Maski investigasaun ba krime grave sira ne'ebé komete iha 1999 kontinua halo nafatin, liu husi servisu Ekipa Investigasaun Krime Grave nian, to'o agora iha de'it progresu limitadu atu lori kazu sira ba julgamentu. Hatutan tan ne'e, esforsu ne'ebé halo atu garante responsabilizasaun ba ofensa hirak ne'ebé komete iha 2006, ne'ebé Komisaun Espesiál Inkéritu identifika ona, no mós responsabilizasaun ba ofensa hirak ne'ebé komete iha 1999, hetan impaktu parsial husi perdaun prezidensiál no komutasaun ne'ebé fó ba sentensa sira. Organizaasaun sira husi sosiedade sivil hateten ba misaun avaliasaun katak sira hakarak tebes atu haree justisa no responsabilizasaun ba krime grave no violasaun direitos umanus ne'ebé komete iha tempu liu ba. Divizaun ne'ebé iha kona-ba responsabilizasaun no impunidade apresenta dezafiu ida ba nasaun ne'e no ba Nasoins Unidas. Instituisaun kontinuaasaun ba Comissão de Recepção, Verdade e Reconciliação no Comissão de Verdade e Amizade, ne'ebé propoin atu harii, sei sai hanesan dalan ida importante tebes atu promove rekonsiliaasaun.

82. Sistema justisa sei dauk iha funsionáriu kualifikadu no meius administrativus no infraestruturá fízika nato'on atu hala'o justisa loloos, justu ka efetivu. Instituisaun polísia no justisa nia kapasidade no, dala ruma, sira-nia vontade atu hetan ka deteta, investiga,

83. Verifikasaun no balansu (checks and balances) ne'ebé hato'o husi supervizaun efetiva no transparente no mekanizmu responsabilizasaun ne'e esensial atu kombate korrupsaun no hahalok aat iha funsionáriu justisa sira-nia leet. Maski Konsellu Superior sira, ne'ebé responsavel atu mantein padraun no dixiplina profisionál, harii ona ba servisu tribunál nian no prokuradoria nian no adota ona kódigu konduta, presiza hametin tan konsellu hirak ne'e atu bele ezerse kontrole dixiplinár efetivu ba juís no prokuradór sira, tuir padraun internasionál. Konsellu Superior ba Eskritóriu Defensór Públiku sei dauk harii. Laiha asosiasaun advogadu independente ida ho responsabilidade regulamentár no disxiplinár ba profisaun ne'e.

84. Atu garante implementasaun ba avaliasaun integrál no independente ba nesesidade setór justisa nian no Planu Estratéjiku kona-ba Setór Justisa ba Timor-Leste nian, ne'ebé antesipa ona katak la kle'ur tan adota ona, presiza hadi'a mekanizmu koordinasaun globál, inklui koordinasaun kona-ba justisa jéneru nian no justisa juveníl ne'ebé subliña ba misaun avaliasaun hanesan área importante.

85. Kona-ba servisu korresaun nian, Governu, ho asisténsia husi UNMIT no UNDP, sei fó asisténsia ba planu no programa sira, liliu programa kona-ba dadur no pesoál sira, preparasaun ba re-integrasaun sosiál no administrasaun kadeia nian. Presiza fatin ketak ba fetu no ba joven sira, no ba ema ne'ebé iha difikuldade mentál.

86. Esensial haforsa no hametin tan knaar Provedór nian. Presiza hasa'e liu tan respeitu no konsiderasaun husi Estadu nia instituisaun sira seluk ba knaar Provedór nian nu'udar atór prinsipál ida ne'ebé promove no proteje direitos umanus. Tuir liña ida-ne'e, presiza hametin kapasidade Komisaun Nasionál kona-ba Direitos Labarik nian, ne'ebé foin harii, no atór sira direitos umanus husi sociedade sivil nia kapasidade.

87. Violénsia hasoru fetu no labarik ne'e problema grave ida ne'ebé halekar iha Timor-Leste laran, no iha nafatin prioridade atu trata problema ne'e. Iha estimativa ida katak liu tersu ida (1/3) husi kazu sira iha sistema justisa formál mak krime violénsia doméstika hasoru fetu. Fetu sira hetan mós obstákulu espesífiku lubuk ida jéneru nian atu asegura asesu ba justisa, inklui taxa alfabetizmu no kompeténsia iha lian Tetum no Portugés ki'ik liu mane sira nian, koñesimentu limitadu kona-ba sira-nia direitos no iha liu restrisaun atu

Prioridade sira ba 2010-2012

88. Atór oin-oin husi Nasoins Unidas iha área direitos umanus no justisa nian halo daudaun servisu tuir forma komplementaár, liu husi parseria ho doadór internasionál sira, no sei foka ba área prioritária sira tuir mai ne'e.

89. UNDP ezejuta programa ida ne'ebé integrál, multi-anuál, multi-doadór, atu hametin sistema justisa iha Timor-Leste hodi hatán ba setór justisa nia nesesidade imediatu no fó assisténsia atu dezenvolve kapasidade nasionál sustentável ba futuru. Nu'udar prioridade ida, UNDP devia fó nafatin apoiu ba Sentru Formasaun Jurídika hodi forma atór jurídiku nasionál sira; fó fundus ba espezialista jurídiku internasionál sira ne'ebé fó konsellu ba sira-nia kontra-parte nasionál sira; fó assisténsia téknika no finanseira ba setór justisa; fó apoiu ba instituisaun justisa sira hodi hasa'e ema hotu nia asesu ba justisa; no hadia servisu korresaun nia kapasidade hodi bele korresponde padraun internasionál kona-ba tratamentu ba dadur sira.

90. Administrasaun UNMIT nia Unidade Apoiu ba Justisa ninia prioridade mak atu fasilita no fó apoiu ba prosesu nasionál ida ne'ebé efetivu hodi tulun implementa Planu Estratéjiku Nasionál ba Timor-Leste nia Setór Justisa. Ne'e sei inklui apoiu ba knaar Konsellu Koordenaun Governu nian atu halo koordenaun ida ne'ebé efetivu no inkluzivu ba atór nasionál no internasionál sira. UNMIT iha mós papél sentrál ida atu hala'o forum hodi halo diskusaun informál kona-ba oinsá atu hadia liu tan koordenaun iha atór internasionál sira-nia leet, hasa'e troka informasaun, identifika falta ne'ebé iha no fasilita diskusaun kona-ba programa no planu sira ne'ebé iha relasaun ho kestaun xave sira iha área justisa no direitos umanus nian. Importante atu fó konsellu tékniku no estratéjiku iha área servisu korresaun nian, jéneru no justisa juvenil. Presiza mós promove no defende hodi hametin mekanizmu supervizaun no díxiplinár iha tribunál no iha prokuradór no defensor sira-nia eskritóriu, no hal avaliasaun periódika ba sistema justisa nia funsionamentu.

91. UNMIT, liu husi nia Seksaun Direitos Umanus no Justisa Tranzitória, sei fó nafatin atensaun ba monitorizasaun direitos umanus no relatóriu públiku, tanba kada vez sira iha tan importánsia iha kontestu retomadaresponsabilidade prinsipál polisiamentu nian husi PNTL. UNMIT sei hala'o nafatin nia knaar iha área promosaun direitos umanus kona-ba

92. UNMIT nia knaar direitus umanus bele sai importante iha PNTL, F-FDTL no funsionáriu sira seluk nia formasaun atu hasa'e kumprimentu ba padraun internasionál direitus umanus, inklui relatóriu ba órgaun tratadu sira no Revizaun Universál Periódiku, no atu garante supervizaun sivil efektivu no separasaun podér. UNMIT sei fó apoiu hodi hasa'e diálogu kona-ba konsensu nasional no apoiu ba esforsu Parlamentu nian atu harii instituisaun akompañamentu ida hodi implementa lia-menon sira husi Comissão de Acolhimento, Verdade e Reconciliação no Comissão para a Verdade e Amizade, ne'ebé sei hetan apoiu husi Gabinete Altu Komisáriu Nasoins Unidas nian ba Direitus Umanus (Office of the United Nations High Commissioner for Human Rights (OHCHR)) no prokuradór internasionál ida ne'ebé finansia husi UNDP. UNDP no OHCHR nia projetu konjuntu atu dezenvolve Provedoria nia kapasidade, hetan tan ona estensaun atu bele hametin nia mandatu direitus umanus, departamentu assisténsia públika, eskritóriu rejional haat, no dezenvolvimentu ba Provedoria nia kapasidade jurídika no jestaun institusionál. Iha devida altura, no tuir konsulta ho autoridade Timoroan sira no sosiedade sivil, OHCHR sei halo avaliaun ida kona-ba nesesidade ne'ebé iha atu bele hamriik mesak iha Timor-Leste no nia viabilidade bainhira UNMIT ramata tiha nia misaun.

93. UNMIT nia Ekipa Investigasaun ba Krime Grave oras-ne'e órgaun mesak ida ne'ebé halo investigasaun ba alegasaun kona-ba krime kontra umanidade no krime sira seluk ne'ebé komete iha 1999. Maski la hatene loos se konsege duni responsabilizasaun ba krime hirak ne'e, ramata investigasaun hotu-hotu ne'ebé Ekipa Investigasaun ba Krime Grave hala'o ne'e kontinua importante no sei mantein nakloke possibilidade atu foti asaun judisiál. Bele lori de'it responsavel sira kona-ba krime ba tribunál iha futuru se halibur evidénsia natoon no haloot evidénsia hirak ne'e agora. Enkuantu rekoñese kestaun ne'e nia sensitividade polítika, tanba importante atu garante responsabilizasaun judisiál, Nasoins Unidas devia, bainhira apropriadu, konfirma nafatin nia pozisaun firme katak labele iha amnestia ka impunidade ba krime grave sira hanesan krime funu nian, krime kontra umanidade no jenosídiu.

94. Atu promove kultura direitus umanus no justisa iha instituisaun sentrál sira-nia leet, no mós iha sosiedade Timor nia laran, órgaun komunikasaun sosiál sira no estratéjia kona-ba informasaun públika tenke integra iha esforsu hirak ne'e nia aspetu hotu-hotu.

95. Fundu Nasoins Unidas ba Labarik (The United Nations Children's Fund (UNICEF)), IOM, Fundu Nasoins Unidas ba Populasaun (the United Nations Population Fund (UNFPA)), UNIFEM, UNMIT no doadór bilaterál sira halo servisu hamutuk nafatin ho Sekretaria Estadu ba Promosaun Igualdade, Ministériu Solidariedade Sosiál no Ministériu Edukasaun kona-ba programa sira ne'ebé atu hamenus violénsia jéneru nian no mós violénsia hasoru labarik sira. Ida-ne'e inklui kampaña sensibilizasaun, liu husi

D. Kultura Governansaun Demokrátika no Diálogu

Progresu

96. Estratéjia ba tempu médiu nia terseira área no pontu-referénsia sira (Aneksu, S/2009/72), “kultura governansaun demakrátika no diálogu”, kona-ba hasa’e aderénsia ba valór no prinsípiu sira governansaun demokrátika sustentável nian, liu husi respeitu ba direitu no garantia konstitusionál sidadaun hotu-hotu nian no ba padraun étika, no mós hasa’e nivel transparénsia no responsabilizasaun.

97. Iha tempu badak nia laran, hahú husi restaurasaun independénsia to’o ohin, Timor-Leste fó ona hakat pozitivu iha área ida-ne’e. UNMIT nia Unidade Apoiu ba Governansaun Demokrátika no ekipa Nasoins Unidas iha nasaun ne’e, liliu UNDP, fó ona, no fó nafatin, apoiu ba programa no projetu oin-oin ne’ebé buka atu promove kultura governansaun demokrátika. Maibé, kapasidade institusionál no rekursus umanus nia dezvoltimentu atu hametin Estadu nia kapasidade atu ukun, ne’e prosesu ida naruk. Ida-ne’e realidade ida ne’ebé ita haree liliu iha Timor-Leste, tanba iha nasaun ne’e Estadu nia instituisaun sira foin harii no haree ba fatór sosiál no ekonómiku sira ne’ebé temi iha Seksaun III.E. iha kraik.

98. Parlamentu sai efetivu liu bainhira nia halo supervizaun ba atividade sira Governu nian. Iha mós progresu boot iha área sira seluk, inklui dezvoltimentu ba Parlamentu nia planu estratéjiku, revizaun ba Rejimentu atu rasionaliza ka organiza didi’ak prosedimentu parlamentár no semináriu públiku kona-ba governansaun lokál, anti-korrupsaun no edukasaun primária.

99. Komisaun Funsau Públika nia estabesimentu no servisu Provedór Direitus Umanus no Justisa, ne’ebé kolabora ho Prokuradór-Jerál, sai hanesan indikadór ba Timoroan sira-nia esforsu atu hasa’e transparénsia no responsabilizasaun iha nasaun ne’e. Halo mós daudaun esforsu atu rezolve kestaun korrupsaun nian, liliu adosaun lei kona-ba Komisaun Anti-Korrupsaun iha Maiu 2009.

100. Hahú 2007, Governu dezvoltolve nia kapasidade atu uza média lokál hodi ba to’o iha comunidade atu esplika nia política no programa sira, ne’ebé ministériu barak halo tan esforsu atu envolve ho média. Governu prodús programa semanál iha Rádio Timor-

Dezafiu sira

101. Eleisaun ida ne'ebé iha susesu sei la garante governasaun demokrátika, se instituisaun demokrátika sira la metin no se la harii mekanizmu responsabilizasaun ida loloos no operasionál. Komprensaun no respeitu ba “checks and balances” entre pilár haat soberania estadu nian sei dauk metin didi'ak entre lideransa polítika. Parlamentu mós sei hasoru nafatin dezafiu no funsaun públika kontinua fraku, inklui nivel lokál. Hatutan tan ne'e, misaun avaliasaun rona preokupasaun boot husi partidu polítiku hotu-hotu katak rekursus umanus no kapasidade fraku iha nivel distritu nian bele komplika desentralizasaun.

102. Interlokutór barak fó sai mós sira-nia preokupasaun kona-ba tendénsia korrupsaun ne'ebé aumenta iha Timor-Leste. Lider Timoroan sira fó sai iha públika sira-nia kometimentu atu kria mekanizmu efetivu hodi kombate korrupsaun. Governu nia polítika kona-ba despeza bele loke dalan ba espetativa kona-ba klientelizmu no hasa'e vulnerabilidade ba korrupsaun husi konsesaun kontratu sira governu nian, servisu no benefísiu sira seluk ba ema ne'ebé mak iha ligasaun metin ho governu nia funsionáriu sira. Nasaun nia kapasidade laek atu halo planu, supervizaun no implementasaun ba investimentu públika iha tempu naruk nia laran, bele hasa'e tan nia vulnerabilidade ba korrupsaun. Governu buka ona iha fulan barak nia laran atu hetan kandidatu loos ida ne'ebé iha vontade no aseitasaun jerál atu tuur iha Komisaun Anti-Korrupasaun nia prezidénsia, maibé laiha susesu. Relasaun entre Komisaun ne'e no Prokuradór-Jerál mós sei dauk define ho klaru.

103. Ho falta instituisaun auditoria nasional, ne'ebé prevee iha Konstituisaun hanesan Tribunál Superior Administrativu, Fiskál no Kontas, kontinua eziste omisaun xave ida iha arkitetura governasaun nia laran. Tribunál ne'e nia estabesimentu la'o daudaun ona maibé nia realizasaun kontinua dook nafatin, liliu tanba laiha pesoál judisiál ho kualifikasaun no esperiénsia loloos.

104. Prestasaun servisu ladi'ak husi funsaun públika, liliu tanba nia sentralizasaun maka'as liu, sai nafatin dezafiu ida no halo Timoroan barak ne'ebé hela iha fatin sira iha li'ur sai izoladu no la hetan servisu esensiál. Ministériu barak no mós instituisaun públika sira seluk, inklui órgaun sira husi administrasaun eleitorál, Provedoria ba Direitus Umanus no Justisa, PNTL no sistema justisa sira-nia kapasidade atu hala'o komunikasaun sosiál iha fatin hotu-hotu, liliu kona-ba kestaun hirak ne'ebé iha relasaun ho kbi'it ba feto no joven sira, sei dauk hetan dezenvolvimentu kompletu. Governasaun lokál, liu husi ofisiál sira ne'ebé eleitu, hein aprovasaun ba lei kona-ba munisípiu. Organizasaun sira husi sosiedade sivil, ne'ebé lada'uk iha impaktu signifíkativu ba lideransa polítika, laiha asesu krítiku no institucionalizadu ba sentru sira foti desizaun nian.

105. Populasaun joven barak mak baibain hasoru difikuldade empregu no sente aleanasaun. Sira iha potensialidade atu hala'o knaar polítiku ida ne'ebé pozitivu no lori

Prioridade sira ba 2010-2012

106. Liafuan sira iha leten ne'e refleto ambiente ida ne'ebé sei dauk metin, ne'ebé populasaun iha espetativa ida aas. Nasoins Unidas, ho kolaborasaun husi parseiru oin-oin, presiza uza nafatin *bom officio* hodi tulun hasa'e governasaun demokrátika sustentável iha Timor-Leste. UNMIT nia prioridade prinsipál iha governasaun demokrátika no diálogu ba tinan tolu mai ne'e mak atu hametin liu tan mekanismu sira responsabilizasaun nian.

107. Nasoins Unidas, hamutuk ho parseiru dezvoltimentu relevante sira, sei envolve nafatin hodi fó apoiu ba prosesu eleitorál iha nasaun ne'e. Apoiu husi Nasoins Unidas ba eleisaun inklui área importante lima: seguransa, konsellu jurídiku, assisténsia téknika, apoiu lojístiku limitadu no fó konsellu polítiku globál. Ekipa Apoiu Eleitorál Nasoins Unidas nian, ne'ebé halo parte funsionáriu sira husi UNMIT no UNDP, sei fó atensaun hodi fornese asesór kona-ba kestaun jurídika, jestaun eleitorál no edukasaun sívika no eleitór nian, liliu atu dezvoltolve órgaun sira husi jestaun eleitorál (CNE no STAE) nia kapasidade. Bazeia ba aumentu iha órgaun sira-ne'e nia kapasidade, apoiu jerál husi Nasoins Unidas ba eleisaun munisipál sei sai menus duké apoiu ba eleisaun suku iha 2009. Eleisaun prezidensiál no parlamentár atu hala'o iha 2012 ne'e sei sai hanesan marku importante tebes ida ba Timor-Leste. Se autoridade Timoroan sira husu assisténsia téknika husi Nasoins Unidas ba eleisaun ne'e, assisténsia ne'e tenke planu didi'ak, bazeia ba konsulta jerál entre parseiru oin-oin no, haree ba kapasidade nasional ne'ebé sa'e daudaun ona, sei tau mós iha konsiderasaun avaliasaun jerál ba eleisaun munisipál se eleisaun hirak ne'e hala'o molok 2012.

108. UNMIT sei fó korajen ba Governu atu hametin no integra anti-korrupsaun no transparénsia nia prinsipiu sira iha setór hotu-hotu iha sosiedade Timor-Leste nia laran. Liliu, UNMIT sei fó atensaun boot liu hodi fó apoiu ho asesoria polítika, bainhira apropriadu, hodi harii Tribunal Superior Administrativu, Fiskál no Kontas no Komisaun Anti-Korrupsaun ne'ebé funsional, husi konsulta no kooperasaun maka'as ho parseiru dezvoltimentu sira seluk. Doadór bilaterál sira hatudu ona sira-nia intensaun atu fó apoiu diretu ba Governu kona-ba ne'e.

109. Ho konxiensia klaru kona-ba posível sensitividade polítika ne'ebé descentralizasaun no eleisaun munisípiu nian envolve, UNMIT sei fó nafatin apoiu ba diskusaun nasional kona-ba oinsá atu harii munisípiu sira no governasaun demokrátika iha nivel lokál. Haree ba natureza polítika eleisaun munisípiu nian, teste réal ba munisípiu sira-nia efetividade sei bazeia ba nivel ne'ebé loos mak sentrál, iha tempu nia laran, fó knaar, fundus no funsionáriu ba sira. Fundu Nasoins Unidas ba Kapital

110. UNMIT akompana besik servisu Parlamentu nian no fó asesoria polítika no jurídika ba nia Prezidente no Komisaun sira. UNDP halo papél lideransa iha área kapasitasaun nian ba Parlamentu no hahú ona faze ba-dala-tolu husi nia programa assisténsia ba período 2010-2013. UNMIT no ekipa Nasoins Unidas nian iha nasaun ne'e sei fó nafatin apoiu ba Parlamentu. UNMIT no UNDP, hamutuk ho AusAID, fó mós apoiu hodi harii Komisaun Funsau Públika iha 2009. Tanba funsau públika ida ne'ebé funcionál bele kontribui ba estabilidade Timor-Leste nian iha tempu naruk nia laran, UNMIT no UNDP, ho kolaborasaun husi parseiru dezvoltimentu sira, sei fó apoiu efektivu hodi hato'o servisu báziku iha nivel sentrál no lokál, bainhira apropriadu. Iha área hirak ne'e, UNMIT sei hamenus neine'ik-neine'ik nia pesoál/asesór sira, ho vizaun ida katak ekipa Nasoins Unidas nian iha nasaun ne'e, liliu UNDP, no parseiru dezvoltimentu sira seluk, bele fornese perísia ka expertise.

111. UNMIT no UNIFEM hamutuk halo servisu maka'as tebes hodi promove jéneru nia integrasaun iha tinan tolu liu ba, no Grupu Traballu Temátiku kona-ba Jéneru diskuti ona kestaun jerál lubuk ida kona-ba jéneru no fasilita nia membru sira-nia asaun tuir planu no estratéjia sira ne'ebé mak hatán-simu tiha ona. Abordajen integradu ne'e sei buka nafatin atu integra jéneru nia perspetiva iha Governu nia planu, programa no atividade hotu-hotu. Hamutuk ho Gabinete Sekretáriu Estadu ba Promosaun Igualdade (SEPI), UNMIT no UNIFEM, sei fó atensaun espesífika ba servisu ne'ebé halo atu adota medida espesial temporária iha Konvensau kona-ba Eliminasau ba Diskriminasau nia Forma Hotu-Hotu Hasoru Feto (Convention for the Elimination of All Forms of Discrimination against Women (CEDAW)) no asaun afirmativa hodi promove jéneru nia balansu, liu husi feto nia partisipasaun polítika iha eleisaun no prosesu desentralizasaun. Sei halo mós esforsu atu fó korajen hodi hasa'e tan balansu jéneru nian iha funsau públika. Sei fó atensaun espesial hodi fó korajen ba feto nia partisipasaun iha nivel superior desizaun nian no hanesan jerente.

112. UNMIT hala'o ona forum lubuk ida kona-ba governasaun demokrátika. Akadémiku lubuk ida ne'ebé hanorin governasaun demokrátika iha Universidade Timor-Leste no projetu husi sociedade sivil kona-ba "Citizen's Charters", rua ne'e hotu hetan apoiu husi UNMIT no iha mós intensaun atu promove kultura governasaun demokrátika.

E. Dezenvolvimentu Sosiál no Ekonómiku

Progresu

113. Estratéjia ba tempu médiu nia kuarta área no pontu-referénsia sira (Aneksu, S/2009/72), "deztolvimentu sosiál no ekonómiku", refere ba kualidade moris di'ak no aumentu oportunidade empregu, ho atensaun liliu ba área rural sira no juventude no ba ema-deslokadu internu nia integrasaun no retornu sustentável.

114. Liu fulan 12 liu ba ne'e, servisu sosiál báziku iha edukasaun no saúde, inklui assisténsia/protesau sosiál ba grupu vulneravel sira, hahú hadia ona kondisaun moris nian

115. Oportunidade kona-baempregu no moris loron-loron nian aumenta, inklui iha área rurál no ba grupu vulneravel no juventude: kuaze ema 50,000 (pursentu 27 feto) mak tama ona iha program sira ne'ebé promove empregu, sentru karreira sira rejista ona empregu foun 1,548 no ema sira ne'ebé buka atu tuir treinu (pursentu 40 feto no pursentu 86 juven), no ema 11,227 (pursentu 26.6 feto) hetan asesu ba empregu temporáriu iha programa intensivu obras públikas nian, liliu manutensaun estrada iha área rurál; kliente foun 5,000 husi populasauun ne'ebé iha rendimentu ki'ik hetan asesu ba mikrofinanas (pursentu 70-80 feto). Kampu 65 ne'ebé ema-deslokadu internu hela taka tomak ona no família 16,450 mak simu pakote rekuperasaun, emkuantu projetu ki'ik oan sira kona-ba projetu komunitariu hahú ona iha fatin sira ne'ebé ema-deslokadu internu fila ba, liu husi prosesu ida ne'ebé partisipativu. Prosesu ne'e UNDP no IOM mak fasilita, ho apoiu husi Nasoins Unidas nia Fundu ba Manutensaun Pás; nia envolve reuniaun preparasaun no mediasaun entre ema-deslokadu internu sira no comunidade sira ne'ebé simu sira iha área spesífika. Iha Diresaun Nasionál ba Jestaun Dezastre nia okos, halo ona planu asaun ba sentru jestaun dezastre nian iha distritu sira, no fó ona fundus ba distritu idaidak atu bele hatán lalais.

Dezafiu sira

116. Enkuantu dezafiu sosiál no ekonómiku ne'ebé Timor-Leste hasoru ne'e dezafiu ida luan no kle'an, liliu bainhira iha estimativa ida katak iha 2007 nia rohan iha pursentu 49.9 mak ema kiak, misaun téknika avaliaun identifika dezafiu prioritáriu ne'ebé, se la rezolve, apresenta risku poténsiál ba estabilidade iha tempu badak ba tempu médiu nia laran. Maski halo ona progresu lubuk ida atu alkansa estratéjia tempu médiu nian no pontu-referénsia sira, fatór subjasente sosiál no ekonómiku barak ne'ebé kontribui ba krizi 2006 sei iha nafatin.

Ajenda kona-ba Dezenvolvimentu Inkluzivu no Diálogo kona-ba Planu no Programa

117. Timor-Leste kontinua dezenvolve nafatin kuadru komún hodi dezenvolve no sukat progresu. Programa Nasionál kona-ba Prioridade sira, agora iha nia tinan ba-dala-tolu no simu apoiu husi Nasoins Unidas, tuir liña siklu Orsamentu Jerál nian. Gabinete Primeiru-Ministru nian prepara ona Planu Nasionál kona-ba Dezenvolvimentu Estratéjiku ba tempu badak no médiu nia laran, no hein katak planu ne'e sei apresenta iha Abril 2010.

118. Desizaun sira ne'ebé Governu foin foti la kle'ur hodi hatán ba nesesidade husi membru F-FDTL sira ne'ebé hetan demisaun iha Marsu 2006 (petisionáriu), husi ema-deslokadu internu sira, husi veteranu no pensionista sira, liu husi tranferénsia monetária direta, hasa'e povu nia espetativa no tau jestaun finanseira iha dalan ida potencialmente insustentável. Maski Governu simu mensajen atu iha prudénsia fiskál iha orsamentu 2010, desizaun ho potencialidade kle'an (ezemplu, kona-ba empréstimu ba projetu sira ne'ebé envolve infra-estrutura boot, harii Banku Nasionál ba Dezenvolvimentu, "Pakote Referendu" ida atu aselera empreza lokál) foti ho konsulta uitoan liu ho parseiru sira. Revizaun ne'ebé atu halo ba Lei Mina Rai nian hatudu ona katak iha nesesidade atu hetan asesoria ida di'ak kona-ba nasaun ne'e nia governasaun ekonómika estavel ba tempu naruk nia laran. Tenke hasa'e númeru peritu sira ne'ebé iha no hadi'a qualidade diálogu nian kona-ba planu no programa sira.

Dezenvolvimentu Rurál no Moris Loron-loron nian

119. Elementu sentrál ida husi kiak iha área rurál mak subdezenvolvimentu iha setór agrikultura, ne'ebé karakteriza husi produtividade ne'ebé ki'ik, inserteza kona-ba direitu propriedade nian, propriedade ki'ik, irrigasaun limitadu, asesu ba merkadu ladi'ak no jestaun ba rekursu naturál ladi'ak hodi rezulta iha desflorestasaun. Oportunidade moris loron-loron nian ne'ebé la bazeia ba agrikultura limitadu tebetebes. Pursentu sianulu (90%) husi fetu nia empregu totál mai husi agrikultura, no liliu fetu sira iha área rurál hasoru risku tanba mane traballadór nia migrasaun ba área urbana sa'e no nia marjinalizasaun husi direitu kona-ba hana'in rai no partisipasaun iha prosesu desizasaun iha uma-kain no comunidade nia laran. Implementasaun ba Governu nia prioridade investimentu iha infraestruturá (bee, saneamentu no estrada) iha tempu badak nia laran ne'e importante maibé sei presiza tempu. Se nasaun ne'e nia orsamentu la tau porsaun boot liu hodi fó apoiu ba dezenvolvimentu rurál no servisu agrikultura nian, kondisaun atu loke dalan ba agrikultór sira atu partisipa iha ekonomia merkadu ne'ebé projetu rede estrada nian loke dalan ba sei kontinua elusive. Atu hAtu haluan "market hubs" ka merkadu komunitáriu sei depende mós ba infraestruturá ida ne'ebé di'ak, no mós asesu ba informasaun kona-ba merkadu (liliu ba fetu produtór sira) atu promove diversifikasaun ba sira-nia produdu.

120. Esforsu atu hasa'e oportunidade ba moris loron-loron nian bazeia liliu ba atividade sira ne'ebé kria empregu ba tempu badak nia laran, apoiu ba mikro-kréditu no *agronegócio* ho eskala ki'ik no formasaun profesionál. Programa "cash-for-work" la'os sustentável maibé fó rendimentu ne'ebé importante tebes ba umakain sira hodi suplementa rendimentu ne'ebé sira hetan husi kintál ka to'os. Mikro-kréditu no atividade

121. Atu hetan fatin ida ba joven sira iha nasaun ne'e nia vida ekonómika, instituisaun sívika sira no prosesu demokrátiku importante tebes ba estabilidade iha Timor-Leste. Violénsia barak liu ne'ebé akontese iha krizi 2006 envolve mane joven deskontente sira husi nivel oin-oin organizesaun nian no afiliasaun iha partidu polítiku sira, instituisaun seguransa sira, grupu arte marsiál no grupu-bandidu sira. Se kauza imediata sira ne'ebé hamosu krizi ne'ebá ne'e menus ona, dezafiu subjacente sira ne'ebé juventude Timor-Leste hasoru sei iha nafatin. Populasaun liu pursentu 60 mak tinan 25 ba kraik, taxa dezempregu entre joven sira iha nasaun tomak pursentu 18.4, no pursentu 35 entre joven sira iha área urbana; número ida ikus ne'e bele sa'e tan, tanba nasaun nia kreximentu populasionál liu pursentu 3 no migrasaun husi área rurál ba área urbana. Kalkula katak joven entre 15,000 to'o 17,000 mak tama iha merkadu traballu tinan-tinan, liu dook empregu ne'ebé kria, ne'ebé iha 2008 kalkula iha 9,500. Barreira ida tan ba joven sira atu tama iha merkadu traballu – liliu iha setór públiku – mak laiha kompeténsia iha lian Portugés, lian prinsipál ne'ebé uza iha lejislasaun no administrasaun justisa nian.

122. To'o ohin, esforsu ne'ebé halo atu trata kestaun krítika sira kona-ba empregu juventude nian sei limitadu. Ezemplu boot ida mak Programa Promosaun Empregu ba Juventude, ba tinan haat nia laran, ne'ebé ILO fó apoiu ho finansiamentu husi AusAID; programa ne'e nia objetivu mak atu prepara joven sira ho koñesimentu ne'ebé relevante ba merkadu traballu lokál no dezenvolve polítika kona-ba empregu ba juventude konsistente ho Governu nia Estratéjia Nasionál Empregu. Presiza fó tan atensaun iha área ida-ne'e, inklui atensaun hodi kria no identifika oportunidade empregu nian ba joven sira.

Servisu Sosiál Báziku

123. Hanesan nota iha Sekretáriu-Jerál nia Relatóriu kona-ba Konsolidasaun ba Pás Hafoin Konfliktu (A/63/881-S/2009/304), prestasaun servisu sosiál báziku iha papél ida importante tebes atu hametin governu sira-nia lejitimidade iha nasaun sira pós-konfliktu nian. Ho populasaun Timor-Leste ne'ebé barak liu mak moris iha área rurál, prestasaun servisu sosiál báziku representa interasaun ida óbvui ne'ebé Timoroan barak iha ho sira-nia Governu.

124. Nasoins Unidas halo esforsu maka'as atu hametin servisu báziku no hato'o servisu ne'e ho atensaun liliu ba saúde no nutrisaun, bee, saneamentu no ijiene, edukasaun no seguransa ai-han nian. Maski hetan ona progresu, dadus ne'ebé iha hatudu nafatin katak prestasaun servisu iha área rurál sei fraku tebetebes. Maski hahú 1990 taxa mortalidade entre labarik tinan lima ba kraik kuaze tun to'o metade (husi 184 tun ba 97 ne'ebé mate iha kada labarik 1,000 ne'ebé moris), número ne'e sei aas nafatin. Ho taxa mortalidade labarik 77 ne'ebé mate iha kada labarik 1,000 ne'ebé moris, ne'e boot liu dala tolu média rejionál, no proporsaan inan 660 ne'ebé mate iha kada tuur-ahi 100,000, ne'e boot liu dala rua média rejionál. Desnutrisaun aguda globál aas liu iha nasaun afrikanu barak

Edukasaun

125. Entre dezafiu hirak ne'ebé parte interesadu sira (inklui funsionáriu sira husi Governu nian) salienta beibeik durante entrevista ho misaun avaliasaun mak kapasidade rekursus umanus kualifikadu iha autoridade nasional sira-nia leet, iha sosiedade sivil no emprezáriu sira-nia leet, la to'o. Kauza prinsipál ba kapasidade la to'o ne'e mak asesu ba edukasaun ho kualidade la nato'on. Númeru labarik ne'ebé ramata edukasaun primária ki'ik liu metade, razaun ida tanba kualidade edukasaun ne'ebé labarik barak simu ladi'ak. Ministériu Edukasaun kalkula katak profesór edukasaun primária to'o porsentu 85 mak laiha kualifikasaun atu hanorin. Dezafiu boot ida kona-ba ne'e mak lian: enkuantu Govenu ezije katak tenke hala'o edukasaun primária iha lian Portugés no Tetum, profesór barak liu mak laiha koñesimentu ne'ebé nato'on kona-ba lian ne'e no padronizasaun (standardization) no dezentvolvimentu Tetum eskritu dada naruk no la simu apoiu ne'ebé suficiente. Ida-ne'e iha impaktu diretu ba kualidade edukasaun ne'ebé labarik sira simu. Liu metade populasaun mak la hatene hakerek no lee.

126. Misaun avaliasaun to'o iha konkluzau ida katak asesu di'ak ba edukasaun ho kualidade mak kondisaun prinsipál ba tranzisaun efetiva husi ambiente pós-konfliktu ba estabilidade no dezentvolvimentu. Importante tebes atu kria rezerva ida ho pesoal kualifikadu ne'ebé nato'on hodi garante instituisaun Timor-Leste sira-nia viabilidade kontínuu. Maski ida-ne'e representa dezafiu ida ba tempu naruk nia laran, ne'e la'os dezafiu ida ne'ebé ameasa estabilidade nasaun ne'e nian iha tempu médiu nia laran, se halo progresu lalais.

Emadeslokadu internu

127. Esensialmente, Governu konsidera kestaun emadeslokadu internu nian hanesan kestaun ida ne'ebé taka ona no sai hanesan susesu ida husi nia política. Maibé, retornu ne'e sei dauk metin no progresu ne'ebé hetan bele la sai kompletamente sustentável, tanba presau adisionál ne'husi migrasaun rural ba área urbana no progresu ne'ebé halo atu hetan solusaun ba disputa rai nian, liliu iha área urbana, la'o neineik. Tenke konsidera ho kuidadu benifisiáriu vulneravel sira (liliu fetu) no komunidadade sira ne'ebé simu emadeslokadu internu, hodi promove solusaun ida ne'ebé dura. Bainhira kampu refujiadu sira taka tiha, Ministériu Solidariedade Sosiál, ho apoiu husi UNDP, dezentvolve planu estratéjiku ida hodi kria Departamentu Harii Dame no Koezaun Sosiál foun ida iha 2010. Ministériu Solidariedade Sosiál, ho mós apoiu husi UNDP, hala'o daudaun peskiza ida kona-ba impaktu husi pakote rekuperasaun nian.

Preparasaun no Jestaun ba Dezastre

128. Timor-Leste iha pozisaun ida vulneravel ba dezastre natural. Maibé, agora daudaun, Governu nia kapasidade atu prepara no halo jestaun ba dezastre sei limitadu. Responsabilidade kona-ba koordenasaun ba resposta ba dezastre iha Direccão Nacional de Gestão de Desastres (National Disaster Management Directorate (NDMD)) nia liman,

Prioridade sira ba 2010-2012

129. Dezafiu sosiál no ekonómiku ne'ebé Timor-Leste hasoru mak razaun tanbasá Nasoins Unidas hasa'e nia atividade hodi tulun Governu atu hatán ba dezafiu dezvoltimentu nian iha tempu naruk nia laran. Maibé, presiza salienta katak ajénsia Nasoins Unidas sira-nia kapasidade atu mantein apoiu mezmu iha nível ida agora ne'e depende ba kontinuasaun rekursu finanseiru disponivel, liliu husi parseiru internasionál sira.

130. Sei iha nafatin nesetidade atu Timor-Leste desenvolve nia kapasidade institucionál no analítika hodi bele haforsa supervizaun orsamentál no promove debate globál no informadu kona-ba despeza públika nia prioridade sira no kompromisu orsamentál. Nasoins Unidas bele estabelese nia apoiu kontínuu ba Parlamentu nia supervizaun orsamentál no kapasidade kona-ba integrasaun jéneru nian, hodi bele hasa'e liu tan kapasidade analítika iha setór no haforsa orsamentu ida ne'ebé sensível ba jéneru. Nasoins Unidas sei fó nafatin assisténsia ba prosesu Prioridade Nasionál sira nian.

131. Presiza fó tan apoiu atu hametin prestasaun servisu sosiál báziku iha nasaun ne'e. Ekipa Nasoins Unidas nian iha nasaun ne'e halo ona servisu ho Ministériu xave sira, liu husi parseria ho NGO internasionál no lokál sira hodi fó apoiu ba Governu nia abilidade atu hato'o servisu sosiál báziku hodi tulun hetan Objektivu Dezenvolvimentu Miléniu nian. Parseiru sira ne'ebé misaun avaliasaun halo entrevista salienta beibeik katak importante Nasoins Unidas fó nia kapasitasaun ba parseiru nasional sira atu hametin prestasaun servisu, liliu iha área rural. Parseiru lubuk ida haree ba prosesu desentralizasaun hanesan oportunidade importante ida atu desenvolve kapasidade iha nivel minisípiu nian.

132. UNDP, liu husi parseria ho Ministériu Ekonomia no Dezenvolvimentu, halo daudaun servisu atu hadia mikrofinansa no servisu finanseiru sira seluk nia kapasidade nia estensaun no atu promove setór finanseiru ida ne'ebé inkluzivu liu. Nasoins Unidas bele fó nafatin apoiu ba mikrofinansa no atividade apoiu ba *agronegósia*, liliu iha área rural, hodi komplementa nia servisu kona-ba hadia prestasaun servisu báziku.

133. Nasoins Unidas nia ajénsia lubuk ida no NGO sira fó daudaun apoiu ba edukasaun infantil no edukasaun primária, liliu apoiu ba dezvoltimentu kurríkulu nian no formasaun ne'ebé UNICEF fó ba profesór sira no mós ai-han ka refeisaun ne'ebé WFP fó ba eskola sira. Apoiu ne'e devia kontinua, no UNMIT nia lideransa devia uza

134. Eskritóriu Koordenadór Rezidente/Koordenadór Umanitáriu mak kaer responsabilidade atu koordena preparasaun no resposta umanitária ne'ebé iha sistema Nasoins Unidas nia liman. Tanba Eskritóriu Koordenador Rezidente nia rekursus limitadu iha área ida-ne'e, UNMIT nia apoiu kona-ba koordenasaun umaniária kontinua nesésáriu nafatin pelumenus to'o 2011 nia klaran.

135. Grupu diálogo sira, ne'ebé harii iha Ministériu Solidariedade Sosiál, ho apoiu UNDP nian, fó assisténsia maka'as ba prosesu re-integrasaun. Presiza halo avaliasaun ba sustentabilidade retornu husi ema-deslokadu internu sira no fó apoiu ba projetu infraestrutura komunitária sira, hanesan projetu sira ne'ebé IOM no UNDP implementa iha fatin balu ne'ebé ema-deslokadu internu fila ba, tanba presiza lori benefísiu ba comunidade sira ne'ebé simu ema-deslokadu internu sira no promove koezaun sosiál, ho atensaun liliu ba retornadu (returnees) vulneravel no membru comunidade sira-nia nesiedade, liliu feto. Peskiza ne'ebé planu tiha ona atu halo ba utilizasaun no impaktu husi pakote kompensasaun nian sei iha utilidade atu identifika pontu entrada poténsiál sira. Sei presiza hala'o nafatin monitorizasaun, avaliasaun no polítika *bom officio* husi UNMIT iha 2010 atu promove ema-deslokadu internu nia re-integrasaun sustentável.

136. Esforsu internasionál kona-ba kapasitasaun, inklui esforsu ne'ebé sistema Nasoins Unidas nian halo kona-ba resposta ba dezastre, hala'o barak liu iha Diresaun Nasionál Jestaun ba Dezastre. Nasoins Unidas bele fó assisténsia ba autoridade Timoroan sira atu garante katak resposta ba dezastre nia enkuadramentu lejislativu oferese liña responsabilizasaun ida klaru kona-ba resposta ba dezastre, no haluan nia apoiu hodi inklui kapasitasaun kona-ba preparasaun, resposta no rekuperasaun iha dezastre. Importante tebes katak Nasoins Unidas buka klarifikasaun kona-ba kontra-parte loloos iha setór resposta emerjénsia idaidak, inklui iha análise ne'ebé halo daudaun kona-ba pakote husi lei importante tolu seguransa nian ne'ebé sei dauk hakotu iha Parlamentu. Planeamentu nasionál kona-ba jestaun dezastre nian presiza inkorpora planu kona-ba komunikasaun no informasaun públika, inklui mekanizmu koordenasaun no mós planu oinsá atu lida ho situasaun ida ne'ebé infraestrutura komunikasaun ne'ebé limitadu tiha ona ema sobu tan.

137. UNMIT la'os fatór ki'ik oan ida iha ekonomia Timor-Leste nian. Misaun ne'e gasta millaun \$20 tinan-tinan iha Timor-Leste (ba akizisaun lokál no saláriu ba funsionáriu nasionál sira), kompara ho volume orsamentál Governu nian hamutuk millaun \$650 ba tinan 2010. Misaun nia ain-fatin ekonómiku ka "economic footprint" hamutuk boot liu ne'e, se inklui mós despeza indireta (renda, servisu lokál) husi funsionáriu internasionál sira. Iha funsionáriu nasionál 900 no guarda seguransa kontratadu liu 900. Misaun nia eventual retirada sei kria impaktu ida ba merkadu empregu nian no indústriá servisnian,

F. Informasaun Públika no Divulgasaun

138. UNMIT nia Eskritóriu Komunikaun no Informasaun Públika kontribui ba Misaun nia servisu iha área prioritária haat husi manadatu Misaun ne'e nian, liu husi komunikaun estratéjika no informasaun públika no mós husi apoiu ne'ebé nia fó ba knaar ne'ebé Reprezentante Espesiál nia *bom ofício* hala'o. Nia halo mós servisu hodi alkansa segundu pontu-referénsia iha área “kultura governasaun demokraátika no diálogu” (Aneksu, S/2009/72) ne'ebé iha relasaun ho média nia dezvoltimentu no Estadu nia kapasidade komunikaun.

Dezafiu sira

139. Hahú husi krizi 2006 mak komunikaun sosiál nia situasaun iha Timor-Leste sai metin no hetan kreximentu markante iha área balu, maibé nia sei hasoru dezafiu lubuk ida, inklui sustentabilidade iha área prinsipál sira média nian. Hatutan tan ba dezafiu institusionál no legál, setór média hasoru, iha jerál, kestaun rekursus boot sira: finanseiru, umanu no teknológjiku.

140. Sei dauk iha enkuadramentu legál ida ba setór komunikaun sosiál nian. UNDP fó ona asisténsia ba Parlamentu hodi prepara projetu-lei, maski nune'e aspetu xave sira sei sai problema nafatin no presiza halo tan konsulta ho indústria komunikaun sosiál nian no sociedade sivil atu garante katak lei sira sei hametin no promove liberdade espresaun no direitu ba informasaun. Kuadru lejislativu ida loloos bele tulun hametin setór komunikaun sosiál nia independénsia no fó protesau ba setór hasoru interferénsia polítika réal ka haree-hetan.

141. Presiza tan rekursus no halo tan esforsu hodi tulun dezvoltolve kultura kona-ba jurnalizmu ida ne'ebé rigorozu no profesionál, ne'ebé bele kontribui hodi mantein instituisaun públika sira responsavel. Sei dauk iha edukasaun no formasaun formál ba jornalista Timoroan sira, maski iha 2008 nia rohan Universidade Nasionál Timor Lorosa'e introdús kursu foun ida iha nivel diploma nian kona-ba komunikaun sosiál, ne'ebé inklui aspetu jurnalizmu nian. UNMIT fó apoiu ba kursu ne'e no halo servisu hamutuk ho NGO nasional no internasionál sira hodi fó atensaun ba komunikaun sosiál nia dezvoltimentu no kapasitasaun. Iha falta boot tebetebes ida iha nasaun ne'e kona-ba traballadór ho kompeténsia iha área transmisaun, multimedia no teknolojia informasaun nian.

142. Reportajen barak liu mak sentra iha Dili, razaun ida tamba laiha rekursus atu habelar atividade komunikasaun sosiál nian ba rejiaun sira. Televizaun nasionál no rádiu, Rádiu no Televizaun Timor-Leste (RTTL), kontinua hanesan fonte prinsipál informasaun nian ba populasaun barak liu.

143. Rádiu mak lidera área komunikasaun sosiál nian, ne'ebé Rádio Timor-Leste (RTL) reklama katak nia kobre populasaun 80 pursentu. TV Timor-Leste (TVTL), fonte importante ida informasaun nian iha Dili, foin daudaun ne'e aumenta nia kobertura ba to'o iha kapitál distritu sira no suku barak, liu husi programa Governu nian ne'ebé fornese ligasaun via satélite no televizór. Maibé, falta infraestruturá komunikasaun, eletrisidade no liliu manutensaun ba ekipamentu transmisaun nian hanesan transmisór sira, sei afeta nafatin nia kobertura no ameasa TVTL no RTL nia sustentabilidade.

144. Setór rádiu inklui mós estasaun rua husi Igreja katólíka no estasaun rádiu komunitáriu 15; sira konstitui fatór ida ho potencialidade boot ba comunidade lokál nia asesu ba informasaun, liliu iha lian lokál. Maibé, sira hasoru dezafiu boot iha área rekursus umanus, finansseirus no teknolójiku ne'ebé komún ba setór komunikasaun sosiál no ameasa sira-nia sustentabilidade. Rádiu FM komersiál hetan kreximentu balu, ho estasaun foun ida harii iha 2009 iha kapitál.

145. Imprensa eskrita mantein nia pozisaun forte hanesan ne'e iha tinan sira liu ba, ho jornal diáriu nasionál tolu no jornal semanál lubuk ida, maibé sira-nia sirkulasaun iha Dili nia li'ur ki'ik. Média *online* sa'e hahú 2006, maibé kontinua iha importánsia limitadu tebes iha comunidade nia leet, liliu iha Dili nia li'ur, tanba falta asesu ba teknolójia no folin-aas ba populasaun barak.

146. Dadus estatístikus konfirma katak populasaun barak liu mak prefere simu no fahe informasaun iha lian Tetum, lian ofisiál husi rua ne'ebé nia iha. Uzu lian Tetum nian sa'e no hetan ona progresu di'ak iha média eskrita durante tinan sira liu ba, ne'ebé hasa'e sidadaun barak nia asesibilidade. Maibé, Tetum orál tradisionál nia dezentamentu ba eskrita sei dauk hetan finansiamentu nato'on iha Governu nia orsamentu. Tanba Governu nia programa sira iha objetivu atu kombate analfabetizmu, materiál hakerek iha Tetum sei sai importante liu tan no sei hasa'e liliu feto sira-nia asesu ba informasaun. Nesesidade ne'e todan liu iha lei no sistema justisa nian, no iha governasaun demokrátika nia aspetu hotu-hotu..

Prioridade sira ba 2010-2012

147. Atu ba to'o iha audiénsia sira ho mensajen públiku ida ne'ebé efetivu, UNMIT sei mantein nafatin nia kapasidade atu prodús programa televizaun no rádiu, inklui produktu impresaun lubuk ida, no nia kapasidade atu fó apoiu hodi halekar informasaun ba audiénsia alvu sira. UNMIT sei mantein mós eskritóriu ida kona-ba relasaun ho komunuikasaun sosiál hodi fó apoiu ba Misaun nia realasaun direta ho média nasionál no internasionál.

148. Iha jerál, hanesan nota ona, setór komunikasaun sosiál nia kondisaun sei dauk metin no bele hetan benefísiu husi apoiu internasionál kontínuu ba dezvoltimentu média lokál no kapasitasaun institusionál iha futuru mai ne'e. UNMIT nia kapasidade produsaun kona-ba mensajen edukasaun no dame nian, no nia abilidade atu hato'o informasaun ne'ebé objetiva no independente sei kontribui ba ambiente ida ne'ebé estavel no seguru iha prosesu retomada PNTL nian no mós durante eleisaun sira mai ne'e. Iha 2010-2012, UNMIT sei fó nafatin apoiu ba sistema Nasoins Unidas nia objetivu xave sira iha área prioritária haat iha nia mandatu, no mós ba knaar ne'ebé Representante Espesiál nia *bom ofício* hala'o.

149. Apoiu ba komunikasaun polisia UNMIT nian sei sai hanesan pontu atensaun boot ida durante 2010 to'o PNTL ramata tiha nia rekonstituisaun. Ida-ne'e sei inklui programa informasaun atu hasa'e públiku nia konxiénsia kona-ba servisu polisia nian, padraun profesionál polisia nian no prosesu retomada polisia nian. Sei fó mós atensaun ba promosaun ba direitos umanus, justisa no estado de direito. UNMIT sei halo nafatin kampaña anti-violénsia, ho atensaun liliu ba violénsia ne'ebé bazeia ba jéneru no violénsia doméstika.

150. Maski sublina ona katak Nasoins Unidas nia apoiu barak liu ba edukasaun sívika no votante nian sei mai husi Nasoins Unidas nia Ekipa ba Apoiu Eleitorál, UNMIT sei hato'o nafatin mensajen sosiál ho atensaun liliu ba dame, toleránsia, inkluzsaun, unidade, partisipasaun no direitos umanus iha siklu eleitorál. Nia sei fó mós apoiu nafatin ba objetivu atu promove kultura governasaun demokrátika.

151. UNMIT sei fó mós apoiu ba Nasoins Unidas nia servisu kona-ba kestaun sosiál no ekonomiku sira, ho atensaun liliu ba kestaun hirak ne'ebé iha relasaun ho ema-deslokadu internu sira-nia integrasaun sustentável, liliu iha Dili laran. Ho Timor-Leste nia populasaun joven ne'ebé boot no sa'e lalais, UNMIT devia halo nafatin servisu ho média lokál, liliu RTTL, hodi hasa'e programasaun ho objetivu atu fó kbiit ba juventude no promove sira-nia kontribuisaun pozitivu no pasífiku iha dezvoltimentu nasaun ne'e nian.

152. Liu husi parseria ho organizasaun nasional no internasionál sira, no ho atór sira husi setór komunikasaun sosiál, UNMIT sei fó nafatin apoiu ba kapasitasaun iha setór ne'e. RTTL sei sai nafatin parseiru boot ida, no apoiu devia fó ba taballadór sira iha rádiu komunitáriu no ba transmisaun número ki'ik iha Timor-Leste no ba traballadór sira iha teknolojia multi-média. UNDP no UNMIT fó ona apoiu, no devia fó nafatin apoiu hodi formula polítika no lejislasaun kona-ba komunikasaun sosiál.

G. Jéneru

Progresu

153. Feto sira hasa'e ona sira-nia partisipasaun iha instituisaun sira Estadu nian durante eleisaun iha 2007, ne'ebé sira iha representasaun pursentu 29 iha Parlamentu no pozisaun ministeriál tolu (Finansas, Justisa no Solidariedade Sosiál), no tuur mós iha pozisaun nu'udar Visi-Ministru ba Saúde no Sekretária Estadu ba Promosaun Igualdade (SEPI).

154. Pontu kontatu sira (focal point), ne'ebé hetan nomeasaun husi Gabinete Sekretaria Estadu ba Promosaun Igualdade, dezenvolve daudaun polítika globál kona-ba jéneru (ezemplu edukasaun, saúde, agrikultura, formasaun vokasionál no profisionál) no integrasaun jéneru nian iha planu no programa sira iha ministériu relevante sira-nia laran. Pontu kontatu sira ne'ebé mak eziste iha ministériu no distritu balu iha mós knaar importante atu servisu ho Ekipa Prioridade Nasionál hodi tau jéneru iha nia pontu-referénsia no indikadór sira. Iha tempu médiu nia laran, aumentu iha kapasidade análize nian kona-ba jéneru iha ministériu prinsipál sira nia laran bele rezulta alokasaun di'ak liu ba rekursus no prestasaun servisu efetivu no ekuitativue liu ba feto sira.

155. Hahú halo ona reforma lejislativa signifkativa ba lejislasaun atu armoniza lejislasaun nasional ho Konvensaun kona-ba Eliminaasaun ba Forma Diskriminaasaun Hotu-Hotu Hasoru Feto. Ramata ona preparasaun ba lei kona-ba rai no Kódigu Sivil, ne'ebé, se aprova karik, sei fó direitu hanesan ba feto no ba mane atu uza no hana'in rai no iha rejime matrimoniál nia aspetu hotu-hotu no direitu eransa nian. Hahú halo ona prosesu preparasaun ba Lei Igualdade Jéneru ba Timor-Leste.

156. Iha área violénsia jéneru nian, Nasoins Unidas fó apoiu hodi harii grupu traballu nia rede referénsia estratéjika, ne'ebé SEPI mak koordena, no fó nafatin apoiu ba reuniaun ne'ebé organizaasaun individuál sira ne'ebé hato'o servisu hala'o semana-semana. SEPI lidera tan komponente violénsia doméstika husi programa konjuntu kona-ba violénsia doméstika no tráfikua ema nian, ne'ebé hetan implementasaun konjuntu ho apoiu husi ajénsia sira Nasoins Unidas nian. Konsellu Ministru aprova proposta-lei ida Kontra Violénsia Doméstika iha Agostu 2009 no apresenta ona ba Parlamentu. Lei ne'e prevee protesaun legál no solusaun legál ba sobrevivente sira husi violénsia doméstika. Kódigu Penál foun ida hetan adosaun iha Marsu 2009, ne'ebé inkorpora dispozisaun ida katak violénsia doméstika krime públiku. Nasoins Unidas hala'o treinu ba PNTL kona-ba investigaasaun ba violénsia jéneru nian no prodús manuál treinu ne'ebé foka liliu ba Unidade sira Ema Vulneravel nian. Ho apoiu husi Nasoins Unidas, harii ona kuartu ka sala entrevista nian ba labarik no vítima sira iha Unidade ba Ema Vulneravel sira iha distritu lima.

Dezafiu sira

157. Gozu totál direitus umanus nian husi feto sira hetan nafatin kontestasaun husi insidénsia aas violénsia seksuál nian no violénsia ne'ebé bazeia ba jéneru no impunidade ba violénsia hirak ne'e, no mós husi lisan no tradisaun. Situaasaun ne'e agrava liu tan ho falta asesu ba justisa, sub-representasaun feto nian iha nivel lokál, partisipasaun fraka iha instituisaun sira estadu nian no falta podér sosiál no ekonómiku.

158. Atu alkansa igualdade jéneru no fó kbiit ba feto iha Timor-Leste sei depende ba fatór oin-oin, ne'ebé kapasidade no sistema nasional sira estado de direito nian mak fatór ne'ebé ezije liu atensaun tanba número violasaun aas no persistente ba feto sira-nia direitus umanus.

Prioridade sira ba 2010-2012

159. Iha tinan tolu mai ne'e, Nasoins Unidas presiza halo esforsu hamutuk hodi hametin Nasoins Unidas nia estratéjia kona-ba sistema globál jéneru nian hodi fó apoiu ba Governu nia polítika atu integra jéneru, inklui pontu-referénsia ne'ebé bele sukat, perísia ka expertise kona-ba jéneru, rekursu dedikadu no kuadru ida kona-ba responsabilizasaun. Estratéjia ne'e sei estabelese abordajen integradu ida ba setór oin-oin, bazeia ba Nasoins Unidas nia vantajen komparativa, ho atensaun liliu ba partisipasaun polítika no governasaun, violénsia doméstika, justisa jéneru nian no feto nia kbiit ekonómiku. Presiza sustenta misaun apoiu altu nivel, inklui Nasoins Unidas nia Grupu Temátiku kona-ba Jéneru no Nasoins Unidas nia Grupu Traballu kona-ba Justisa.

160. Tuir pedidu husi Governu, UNMIT sei desenvolve estratéjia integrál no nasional ida kona-ba kapasitasaun ba tempu-limite nia laran iha área prioritária haat ne'ebé mai iha nia mandatu ho pontu-referénsia sira ne'ebé mak bele sukat. Ida-ne'e sei halo husi konsulta ho Governu no sosiedade sivil. Pontu-referénsia hirak ne'e tenke transparente. To'o ohin, apoiu ba kapasitasaun foka liliu ba kontra-parte sira iha governu, ho atensaun uitoan de'it ba sosiedade sivil. Lisaun husi atividade sira Nasoins Unidas nian, iha área igualdade jéneru nian no feto nia kbiit, hatudu katak estratéjia "pista rua" (two-track) mak efetivu liu. Atu sustenta rezultadu hirak ne'e ba jéneru, UNMIT presiza halo esforsu integrál pelumenu iha tinan tolu mai ne'e iha área desenvolvimentu kapasidade nian. Área krítika ida ba kapasitasaun mak feto nia partisipasaun iha eleisaun munisipál, ne'ebé devia disponibiliza perísia ka expertise kona-ba jéneru.

161. Atu hetan rezultadu ne'ebé dura iha área igualdade jéneru nian no direitus umanus feto nian, presiza harii metin mekanizmu supervizaun no responsabilizasaun ne'ebé sustentável iha nivel nasional. Nasoins Unidas sei fó nafatin assisténsia ba autoridade Timoroan sira kona-ba ne'e. Assisténsia ne'e sei inklui sosiedade sivil, organizasaun feto sira no instituisaun sira Estadu nian, hanesan Provedoria, no integra iha área prioritária haat mandatu UNMIT nian. Ho relasaun ba ne'e, iha nesesidade atu hametin konsulta regulár entre governu no sosiedade sivil kona-ba planu no programa sira, inklui kbiit feto nian, no tenke ba to'o iha Dili nia li'ur no inklui comunidade sira iha distritu. Mekanizmu hirak ne'e bele atua hanesan prevensaun importante ida hasoru konfliktu no estratéjia atu akalma, liliu durante kampaña eleitorál.

H. Nasoins Unidas nia Seguransa

162. Timor-Leste agora ne'e iha liu seguransa no estabilidade duké iha tinan tolu liu ba. Número kilat ilegál nian menus no taxa krime nian relativamente ki'ik. La rejista insidente boot ruma iha Dili ka distritu sira iha tempu ikus ne'e. Maski nune'e, potencialidade atu insidente hirak ne'e akontese kontinua nafatin no reprezenta ameasa ida ba Nasoins Unidas nia seguransa. Eleisaun munisipál no nasional, ne'ebé planu atu

163. Iha prinsípiu, Governu iha responsabilidade prinsipál atu fó seguransa ba Nasoins Unidas iha Timor-Leste, maibé Timor-Leste nia instituisaun seguransa sira agora daudaun ne'e laiha kapasidade ne'ebé nesésáriu. Presiza tau elementu fardadu ho número ida ne'ebé ki'ik maibé vizivel iha Sede Nasoins Unidas nian hodi fó apoiu ba Nasoins Unidas nia guarda seguransa sira atu asegura no hakmaten fatin ne'e molok reforsu to'o. Kontinua prudente reforsu "on-call" atu defende Nasoins Unidas nia sede no aeroportu Dili, atu halo eskolta entre fatin rua ne'e, atu fó asisténsia hodi hasai pesoál sira no atu hala'o funsaun hanesan ne'e iha distritu sira iha tempu runguranga nia laran, karik konsidera nesésáriu. Forsa seguransa internasionál agora daudaun ne'e fó apoiu ida-ne'e, tuir arranju tékniku militar ne'ebé Nasoins Unidas no Governu Australia asina iha 25 Janeiro 2007. Agora daudaun ne'e konsidera hela revizaun ne'ebé Governu Australia propoin atu halo ba Arranju ne'e. Rezultadu husi revizaun ba Arranju ne'e mak sei determina se arranju ida agora ne'e sustentável ka la'e ka se presiza unidade polísia formadu ida atu simu knaar espesífiku hodi kaer responsabilidade seguransa nian. Kualkér mudansa adisionál bele presiza halo arranju seluk ne'ebé sei garante apoiu dedikadu ba Nasoins Unidas.

163. Seksaun Seguransa Nasoins Unidas nian fó apoiu ba Nasoins Unidas nia sistema tomak (UNMIT no ekipa Nasoins Unidas nian iha nasaun ne'e). Seguransa Nasoins Unidas nia postura ida agora ne'e sei vale nafatin no bele sustenta ho afinasaun ki'ik oan ne'ebé, iha jerál, rekursu neutru. Bainhira UNMIT nia mandatu to'o ona nia rohan, elementus ho número ida ne'ebé nato'on husi Nasoins Unidas nia Seksaun Seguransa ida agora ne'e sei muda fali sira-nia knaar hodi fó apoiu ba likidasaun no arranju kona-ba Nasoins Unidas nia susesór.

I. Misaun apoiu

164. UNMIT nia Planu Misaun Apoiu, ne'ebé kompleta ona iha Setembru 2009, mak baze ba estratéjia apoiu nia ajustamentu. Tipu ka kompozisaun husi prezensa Nasoins Unidas nian ne'ebé kontinua ka resta iha Timor-Leste sei iha impaktu boot ba transferénsia ka eliminasaun ba misaun nia asset sira, ba kontinuaun oportunidade empregu nian ba pesoál internasionál no nasional, ba nesésidade formasaun nian no devolusaun fatin sira ne'ebé UNMIT kaer.

165. Treinamentu sei iha nafatin papél xave ida iha UNMIT nia laran. Misaun ne'e sei aumenta lian ne'ebé uza daudaun iha kursu sira hodi hatama tan Tetum iha introdusaun treinamentu nian ba polísia UNMIT, ba Nasoins Unidas nia Voluntáriu sira ne'ebé envolve iha prosesu eleitorál no ba pesoál sira seluk ne'ebé iha interasaun ho comunidade. Sei atende nesésidade kontínuu atu hasa'e profisiénsia iha lian Inglés ba tradutór sira ne'ebé servisu ho polísia UNMIT. Aleinde ne'e, bainhira antesipa redusaun ba pesoál durante período orsamentál sira tutuir malu ne'e, Misaun Apoiu sei hala'o mós nia programa formasaun sira ne'ebé mak harii ona ba pesoál nasional sira iha área sira seluk, inklui maibé la limita ba koñesimentu kona-ba komputadór, kona-ba entrevista no

166. UNMIT hato'o daudaun servisu lubuk ida ne'ebé fó benifísiu ba Nasoins Unidas nia ekipa iha Dili no iha distritu sira, liliu kona-ba komunikasaun, transporte aéreo no servisu médiku. Funsauun xave sira ne'ebé presiza atu hala'o nafatin hafoin períodou mandatu UNMIT nian sei depende ba diskusaun balu tan ho Nasoins Unidas nia ekipa iha nasaun ne'e, ka iha planeamentu kona-ba Nasoins Unidas nia kontinuasaun prezensa.

167. Klasifikasaun inisiál ne'ebé halo ba Misaun nia asset 14,500 ramata ona no sei atualiza (update) asset hirak ne'e durante intervalu regulár idaidak, ne'ebé sei fó konsiderasaun ba possibilidade atu transfere asset hirak ne'e ba Nasoins Unidas nia operasaun sira seluk, fó hanesan doasaun ba Governu Timor-Leste ka halo likidasaun. Sei konsidera doasaun asset nian ba Governu Timor-Leste iha área hirak ne'ebé mak funsauun no servisu muda ba Governu, liliu iha área transporte nian no infraestrutura komunikasaun nian no mós ekipamentu laboratóriu forense kona-ba krime. Natureza Nasoins Unidas nia kontinuasaun prezensa iha Timor-Leste, hamutuk ho Governu nia planu dezvoltamentu kona-ba infraestrutura, mak sei sai hanesan fatór xave hodi halo entrega finál infraestrutura ne'ebé UNMIT iha.

168. Misaun ne'e implementa ona atividade lubuk ida kona-ba "greening" Nasoins Unidas. Atividade hirak ne'e inklui "paper tax" ida ba distribuisaun surat fotokópia nian, apoiu ba NGO lokál ida hodi fornese ba nia surat pedasuk sira husi eskritóriu hodi halo resiklajen iha insineradór, tuir Sekretáriu-Jerál nia inisiativa bainhira estabese ar-kondisionadu sira iha eskritóriu ba grau Celsius 24, no halo servisu ho kontratante PX hodi troka ka'ut plástiku sira ho kontentór ai-han nian ka plástiku-kompra sira ne'ebé uza hikas fali.

IV. Aspetu finanseiru sira

169. Assembleia Jerál, liu husi nia rezolusaun 63/292 30 Juñu 2009, apropria millaun \$205.9 atu mantein UNMIT ba períodou 1 Jullu 2009 to'o 30 Juñu 2010. To'o 31 Dezembru 2009, kontribuisaun ne'ebé la selu, hamutuk millaun \$28, tama iha UNMIT nia konta espesiál. To'o iha loraun ne'ebá, totál kontribuisaun iha dívida ba operasaun manutesaun pás hotu-hotu, hamutuk millaun \$1,853.2. Ha'u-nia lia-menon iha parágrafu 179 husi relatóriu ida-ne'e, kona-ba polísia adisionál ka proposta kona-ba espesialista sivil atu halo servisu nu'udar asesór tékniku, sei implika rekursus adisionais. Rekursus adisionais ne'e bele absorve iha orsamentu ne'ebé mak aprova tiha ona ba Misaun ne'e no apresenta ona ba Assembleia Jerál iha kontestu relatoriu kona-ba UNMIT dezempeñu finanseiru ba períodou 2009/10. To'o 31 Dezembru 2009, valór ne'ebé deve ba nasaun sira ne'ebé kontribui ho polísia formadu ba UNMIT hamutuk millaun \$10.0. Halo ona reembolu ba unidade polísia formadu sira-nia kustu no pagamentu ba ekipamentu ne'ebé

V. Observasaun no Lia-Menon

170. Ha'u fó benvindu ba kometimentu ne'ebé mak parte hotu-hotu foó atu garante dame no estabilidade iha Timor-Leste no ba respeito ne'ebé mak sira hatudu ona ba prosesu demokrátiku bainhira trata kestaun kontensiozu sira ne'ebé mosu iha fulan sira liu ba. Ha'u laran-metin liliu tanba haree ba vontade ne'ebé mak lideransa Timor-Leste no partidu opozisaun Fretilin hatudu foin daudaun, iha forum oin-oin, atu envolve nafatin iha diskusaun kona-ba kestaun sira interese nasional nian, no mós atu hamenus kiak no violénsia no atu halo esforsu hodi bele hametin dame, unidade nasional no dezenvolvimentu. Susesu ne'ebé hetan iha lala'ok eleisaun suku nian iha fulan Outubru reprezenta marku importante ida iha prosesu demokrátiku no tributu ba nasaun ne'e nia órgaun jestaun eleitoral sira-nia kapasidade ne'ebé sa'e daudaun. Ha'u fiar metin katak Governu no opozisaun sei envolve nafatin iha diálogu entre sira hodi hetan konsensu ne'ebé de'it mak sira bele kona-ba kestaun boot sira interese nasional nian, no sei nakloke ba konsulta ho setór hotu-hotu iha sosiedade sivil nia laran.

171. Nune'e mós, instituisaun sira sei dauk metin, inklui instituisaun sira iha setór justisa no seguransa nian, no oinsá mak instituisaun hirak ne'e bele tahan krizi boot ida seluk, ita sei dauk bele hatene loloos. Hatutan tan ba instituisaun sira ne'ebé mak sei dezenvolve hela, fatór subjasente sira seluk ne'ebé kontribui ba krizi 2006 sei iha nafatin, maski medida importante ne'ebé foti ona atu rezolve fatór sira-ne'e balu. Fatór hirak ne'e inklui tensaun entre elite polítiku, difikuldade iha instituisaun seguransa sira-nia laran, kiak no privasaun ne'ebé iha relasaun ho ne'e, dezempregu aas (inklui dezempregu iha joven sira-nia leet), ho perspetiva limitadu kona-ba oportunidade moris nian iha loron oin mai, no falta rejime efetivu ida kona-ba lei no propriedade. Todan ne'ebé de'it mak bele tau ba fatór oin-oin ne'ebé hamosu krizi ne'e, iha probabilidade katak problema hirak ne'e sei la hakotu to'o 2012. Objetivu razoavel ida mak instituisaun no prosesu demokrátiku sira ne'ebé harii ona sai metin nato'on hodi bele trata kestaun hirak ne'e laho violénsia.

172. Maski rekoñese katak iha difikuldade atu determina responsabilizasaun ba krime sira ne'ebé komete iha tempu liu ba, liliu ba nasaun foun ida ne'ebé sei luta atu bele harii estabilidade no unidade nasional, ha'u sei iha nafatin preokupasaun, hanesan hateten iha ha'u-nia relatóriu ida uluk (haree S/2009/504, para. 55), katak adiamentu naruk atu hato'o justisa no halo reparasaun ba vítima no sira-nia família bele iha tan impaktu negativu ba públiku nia laran-metin ba estado de direito. Ha'u nota mós katak setór oin-oin iha sosiedade Timor-Leste nia laran iha interese, hanesan fó sai ba misaun téknika avaliasaun, atu UNMIT hala'o nafatin knaar ida ativu hodi hatán ba preokupasaun hirak ne'e.

173. Ha'u-nia Representante Espesial Ameerah Haq, liu husi nia *bom ofício*, sei halo esforsu atu fasilita hodi enfrenta tan dezafiu sira ne'ebé mak sei iha, inklui apoiu ba esforsu kona-ba diálogu inkluzivu ne'ebé envolve setór hotu-hotu iha sosiedade no buka

174. Misaun téknika avaliasaun konfirma ona katak lideransa Timor-Leste no parte interesadu nasional sira seluk hakarak Nasoins Unidas fó nafatin apoiu integradu ne'ebé nia hato'o liu husi área importante hotu-hotu iha UNMIT nia mandatu. Ha'u konkorda ho konkluzaun ne'ebé nia hetan katak objetivu haat husi UNMIT nia estratéjia ba tempu médiu nia laran no pontu-referénsia sira ne'ebé iha relasaun ho ne'e (ne'ebé misaun avaliasaun propoin atu halo atualizasaun relevante) kítiku nafatin atu bele rezolve dezafiu subjasente sira ne'ebé mak fó orijen ba UNMIT nia mandatu no bele fó baze ida metin atu alkansa estabilidade no prosperidade sustentável iha Timor-Leste demokrátiku. Tanba ne'e prematuru atu halo re-estruturasaun ba UNMIT iha faze ida-ne'e. Maibé, iha UNMIT nia área servisu idaidak, devia fó tan atensaun no halo koordenasaun ba esforsu kona-ba prioridade hirak ne'ebé mak identika tiha ona, labele haluha mudansa kontestu nian no vantajen komprativu sira husi UNMIT, Nasoins Unidas nia ekipa iha nasaun ne'e no parseiru bilaterál no multilaterál sira.

175. La sura ho nia papél interinu kona-ba ezekusaun polisiamentu nian, funsaun ne'ebé UNMIT simu iha nia mandatu atu tulun fó formasaun, orientasaun, dezvoltamentu institusionál no PNTL nia konsolidasaun, atu nune'e bele kontribui hodi harii polisia nasional ida ne'ebé profisionál no imparcial iha Timor-Leste, kontinua dezafiu boot ida ne'ebé nia hasoru. Governu husu katak PNTL nia retomada responsabilidade tomak kona-ba polisiamentu devia kompleta iha distritu no unidade hotu-hotu to'o 2010. UNMIT sei haka'as an atu konsege objetivu ne'e, depende ba Governu foti medidas hotu-hotu ne'ebé nia bele hodi hatán ba kitéria ne'ebé parte rua ne'e hatán-simu ona kona-ba retomada ne'e no mós kompleta prosesu sertifikasaun nian. Maibé, tenke subliña katak kondisaun husi operasaun lojístika nia disponibilidade iha distritu barak, inklui distritu sira ne'ebé mak PNTL simu ona responsabilidade polisiamentu, sei dauk adekuadu. Se aplika loloos kitéria husi rekizitu lojístiku nia disponibilidade, ne'e bele hanaruk inevitavelmente prosesu retomada nian. Ida-ne'e salienta katak Governu presiza foti asaun firme no fó laran-tomak, ne'ebé sei garante katak rekizitu lojístiku sira hetan resposta iha tempu badak liu nia laran. Iha kontestu ida-ne'e, iha justifikasaun katak presiza halo abordajen ida ho kuidadu ba redusaun inisial polisia UNMIT nian; redusaun ida tan sei sujeita ba avaliasaun iha 2010 nia rohan.

176. Rekonfigurasaun no kontinuaun atu re-orienta komponente polisia UNMIT nian hodi hatán to'o ne'ebé mak bele dezafiu sira pós-retomada nian la'os buat ida fásil. Presiza fó prioridade boot ida ba ne'e, la'os de'it husi UNMIT no Sekretariadu Nasoins Unidas nian, maibé mós no importante liu husi nasaun kontribuinte sira, hodi fó polisia

177. Ha'u-nia Representante Espesiál sei harii ekipa ida atu halo planu kona-ba UNMIT nia redusaun to'o 2012 no, iha ne'ebé mak apropriadu, transferénsia funsaun ba Governu, ba Nasoins Unidas nia ekipa iha nasaun ne'e no ba parseiru bilaterál sira. Tranzisaun ne'e sei presiza konsulta ida metin ho Governu atu bele halo jestaun ida loloos ba kolokasaun no implikasaun ekonómika sira seluk husi prezensa Nasoins Unidas nia redusaun, liliu iha Dili. Ha'u sei haree ho kuidadu proposta sira kona-ba redusaun ne'e no apresenta relatóriu ba Konsellu tuir revizaun ne'e.

178. Tanba ne'e, ha'u hameno atu hanaruk tan UNMIT nia mandatu ba períodu fulan 12 nia laran ho kompozisaun hanesan, mantein militar ligasaun ho número ida agora ne'e no neineik-neineik hamenus número polísia nian husi 1,608 ba 1,280 to'o 2011 nia klaran (polísia individuál 790 no unidade polísia formadu 490). Nune'e mós, konsistente ho liamenon sira husi misaun avaliaun nian (haree para. 45), ha'u hameno postu sivil adisionál 19 iha komponente polísia nia laran ba especialista sira ho especialidade ne'ebé presiza atu bele fó tan apoiu ba PNTL nia desenvolvimentu institusionál.

179. Bainhira fó autorizasaun atu harii UNMIT ho ninia mandatu multi-facetadu iha 2006, Konsellu konfirma dala ida tan nia kometimentu ba Timor-Leste, hodi fó assisténsia ba nasaun ne'e atu hakat liu krizi tinan ne'ebá nian, hodi rezolve nia kauza subjacente jerál sira no dezenvolve instituisaun seguransa sira no kapasidade sira seluk ne'ebé estadu demokrátiku ida iha. Nia rekoñese katak ida-ne'e sei presiza kometimentu ida naruk no sustentável. Ita bele haree momoos hela benefísiu husi kometimentu konstante ne'e, maibé tenke mós rekoñese katak Timor-Leste nia instituisaun sira sei dauk metin no dezafiu polítiku, institusionál, sosiál no ekonómiku iha laron oin mai. Misaun integrada nia estensaun adisionál, ho nia abordajen "Nasoins Unidas nia sistema ida", sei reflète Nasoins Unidas nia determinasaun atu mantein nia apoiu ba Timor-Leste to'o nasaun ne'e nia instituisaun sira iha ona kapasidade nato'on atu bele hatán ba dezafiu inevitavel sira iha laron oin mai, hanesan kualkér nasaun foun ida iha. Ha'u fiar katak apoiu kontínuu ne'e, hamutuk ho determinasaun no esforsu maka'as husi Povu Timor-Leste, sei loke dalan ba nasaun ne'e hodi hakat liu dezafiu hirak ne'e no harii dame no desenvolvimentu sustentável.